



22107

III

Mag. St. Dr.

P

Stanislaus


Episcopus Cracoviensis

Warsaw. Coll. Schol. Patr. Luminare magnum
suis in Dei Eclesia, et Regia splendore
illustre.

PANEG. et VITAE

Polon. Fol.

Æ 1655.



20
**LUMINARE
MAGNUM**

Suis in DEI Ecclesia, & Republ.
Splendoribus Illustre.

ILLVSTRISSIMO & REVERENDISSIMO DOMINO

**D. JOANNI
STANISLAO**

IN MAGNA WITVICA

WITWICKI,

**DEI & Apostolicæ Sedis Gratiâ
EPISCOPO POSNANIENSI,**

Penes festiva applaudentium vota
In Solenni ad Cathedram Posnaniensem ingressu

A C C E N S U M.

&
à Regio Vladislai IV. Varfaviensi Collegio Schol: Piarum.

PRÆSENTATUM.

Anno, quo Lumen de Lumine in terris resplenduit 1688.

Die

~~~~~  
**V A R S A V I Æ,**

*ee!*  
Typis Collegij Scholarum Piarum.

*Genit et Audus D. Joanni Rosynski Archidiacono Lucile*





22107<sup>m</sup>

Stemma gerit PETRVM Posnæ sacer indè Senatus;  
 Sidera WITVICII Præfulis indè micant.  
 Né metuas jam cymba PETRI, nec Posna procellam;  
 Anchora sunt Stellæ, Luna, Sagitta, tibi.





P R Æ F A T I O  
AD ILLUSTR: & REVEREND:  
ANTISTITEM.

**P**ublicis Posnaniæ applau-  
sibus etiam Varfaviensis  
Siren lætiori acroamate  
accinere debuit. ILLU-  
STRIS: & REVERENDISSIME  
PRÆSUL. Pertinebat ad Scholas  
Pias, ut penes Vladislaviani Colle-  
gij Manipulum exiguam licèt facū-  
diæ messē Tibi in Augusto offerrēt,  
ubi & cælestis Virgo fæcundiores  
foli præsentat aristas. Iamq; cōtra  
cōmunem parœmiam in Iagelloni-  
co Scirpo non frustra nodū qværis,  
qvia invenies; nā indissolubili nexu  
submississimos clientum colligavit



affect<sup>9</sup>. Ad Magnū Luminare tenuiores accedim<sup>9</sup> umbræ, quib<sup>9</sup> sufficit, si in Gigantē staturā ad Tua extēdamur obsequia. Trahimur Wivicianæ Lunæ radijs, ponē cuj<sup>9</sup> favorabilē influxū lunaticos esse non pudet, qui Illustrissimæ Dom<sup>9</sup> Tuæ obambulent ambitū, ad vocē clamantis in Joannis nomine clausam libenter casuri, ut Præfuleas plantas profunda adoratione veneremur. Lætari satis nō possum<sup>9</sup>, quòd Illustriss. Stephano Wierzbowski Fundatori nostro Gorenfi munificentissimo in Cathedrā Posnaniensem successeris, æquē Mæcenas noster amplissim<sup>9</sup>. Gentiliti<sup>9</sup> hujusce Præfulis Accipiter auri tinnitu se se prodidit in Neosolymensem Fūdationem, cōtra Savedrę Symbolicum inventum, qui hanc volucrem tintinnabula rostro in pedib<sup>9</sup> dissolven-



solventem pinxit, cū adjecta epi-  
graphie: *FAMA NOCET.* Adæqvâlti  
**ILLUSTRISSIME PRÆSUL**  
omnes Tuos Antecessores merito-  
rū amplitudine; nemini illorū ce-  
dit Tuę virtutis splendor, qvē ter-  
na jam coronat Infula, & plures fa-  
vente adhuc Numine coronabunt.  
Qvidqvid luminis Orthodoxa fi-  
des haurire potuit ex patritia Dzi-  
wofforum Luna, ex Dolivitanarū  
Rosarū ternione odoris, ex Rolita-  
rū Vomerib⁹ fēcūditatis, totū id in  
Te uno concentratū videt. Vene-  
ramur Wyłkowieciorum, Kurni-  
ciorum, Bninfciorum, Opalenfcio-  
rum, Tomicciorum, Szoldrsciorum  
domesticā Navim publicę velificā-  
tem felicitati. Subscribim⁹ Gollau-  
fciorum, Lubranfciorum Pineto,  
sub cuj⁹ umbra sponfa Ecclesia fu-  
um reclinabat caput, qvę olim sub  
( 2 palma



palma quævit. Dam<sup>9</sup> plaufū Svā-  
tollais, Jastrzebeccijs, cū suo Acci-  
pitre famā illorum ad ufq; fidera  
portāte; Wolfcijs, cū cādido Olore  
fvavi obftrepēte melodia. Herbur-  
tis, Czarnkovijs, Novodworfcij,  
Tholibovijs vectigale debetur en-  
comium, qvi in fuæ Fasciæ peri-  
phæria totam clauferunt æterni-  
tatem. Czartoryfciorum Eqves  
meretur verborum phaleras, qvi  
metam glorię facriq; honoris  
Olympia egregiè decurrit. Reli-  
quos tacem<sup>9</sup> Polnaniēfi redimitos  
Infulâ, cū quib<sup>9</sup> Tu geftorū magni-  
tudine ex æqvò decertas. Expreflit  
hoc ipfū Tuo Nomini tributaria  
pēna, quāvis impar capiēdo ingen-  
ti laudū Oceano. Tu interim levio-  
rē paginā benevolo dona aspectu,  
æternūmq; habe.

ILLVSTRISSIMO NOMINI TVO

*Deditiffimum*

Collegium Varfav. Schol. Piarum.





# PANEGYRICUS

**M** Agnis innutritæ splendoribus animæ, nunquam diluculantis gloriæ crepusculum nôrunt, imò semper maturum meridionalis famæ exporrigunt diem. **ILLUSTRISSE DOMINE.** Nimirum generosæ mentis est lucem quærere, nullaq; obscurioris ignorantia offundi caligine; ut non immeritò raptus à sole Promethei ignis adhibeatur ad informandum animâ hominis corpus, cum ita impensè novam luminis exambiat majestatem. At verò umbratilis tenebrionum indoles ignavas tantum perpetuare noctes didicit, quia nec creperæ virtutis diluculum, multominus meridiem novit. Illatebrata suæ ignaviæ ingenia prodire in apricum timent, ideòq; profundiores Trophonij antro indagant recessus, ac si pulchrius foret latebris inertem mandare animum, quàm in publicæ lucis theatro ejusdem explorare activitatem. Feras intra sua latentes spelæa dixeris, non homines, quibus occulta umbrarum cæcitas sapit: cum tamen ejusmodi lepores nec Apollinis densior lucus, nec Academi sylva sua occultet opacitate. Vespertilionum est umbras in delicijs reponere, málleq; unius noctis siparium, quàm mille soles. Noctuarum hæc illecebra, atræ caligini im-

A mersa



mersam tenere pupillam, cui si leuius diurnæ lucis  
jubar se se insinuet, immane omnino parit tor-  
mentū. Portatili clausæ domicilio testudines ignē  
fugiunt; quasiverò testaceum illud quod humeris  
gerunt sepulchrum, mortuales tantummodò um-  
bras admittat, non aliqualem luminis portionem.  
Cæcutientes talpæ terram eviscerant, improboq;  
labore tumescentes egerunt arenæ cumulos, ipsæ  
nihilominus vibrantioribus diurni planetæ radijs  
se se præsentare nolunt: quod si iisdem vel mini-  
mum afflatæ incalescant, confestim elisos vitæ spi-  
ritus in auras effundunt. In omnibus animosi le-  
ones, in hoc tamen excordes suam fatentur pusilla-  
nimitatem, quòd illorum magnanimitati ingens sit  
terriculamentum flamma, & quibus molossorum  
lucta aut tygridum sævior conflictus jocularis qui-  
dam ludus est, illos accensa fax timore consterna-  
tos triumphat. Minutiores pyraustæ inter flam-  
marum globos deliciantur, quia absq; luce vivere  
fastidiunt, in flagranti rogo cunabulis jucundior  
phœnici sarcophagus, quia splendidam anhelat  
mortem, illustres exoptat inferias. Dulcis Phæ-  
tonti casus, dummodò non obscurus cum Phœbo  
in terram defluat; & præfidenti Icaro svavis ruina,  
si colliqvato alarum remigio ad solis viciniam sal-  
tem non umbraticus in aquas prolabatur. Levi<sup>9</sup>  
Athlanti lusoriâ pilâ sphæræ cælestis pondus pe-  
nes illustrissimos planetas, lacertosus enim hic  
portitor undiq; irradiatus supernis luminaribus,  
vix grandem cæli machinam sentire videtur. Cla-  
rior Scævola audacia, dum inter scintillantes fa-  
talis pyræ æstus né minimū palpitantem ambussit  
dexteram, quæ si involuta umbris delituisset, né  
tantillam quidem laudis portionem vendicasset.

Et



Et supremo Numini placent conspicui fulgores ,  
in manibus namq; stellas, in throno iridem osten-  
tat, deniq; in sole tabernaculum ponens, ipso o-  
blectatur æternæ lucis candore. Unde ad Cymme-  
riorum tenebras damnetur necesse, qvem ad ma-  
jora tentanda non accendit fax mentis honestæ,  
utpote mille Ætnas totidemq; Vesuvios suis trans-  
cendens caloribus. Tænarios incolat recessus,  
qvi patitur suum inter serenæ fulgura gloriæ lip-  
pire nomen: at ille auro notandus, qvem pul-  
cher famæ ignis adurit, & magna meritorum  
incendia penitiores illius tangunt medullas, ut to-  
tus exardescat ad ingentes conatus. Alioquin  
vitam sine luce virtutis transigere, idem est,  
qvod inter ferales mortuorum umbras numerari.  
Melius foret, ut vivus opacos sepulchri subeat  
hiatus, qvem obscurior vita delectat, Vespillio-  
nem sibi ipsi ante fata humando agat, qvem nec  
radius quidem bonæ mentis illustrat. Grandis  
infamia, si ideo tenebricosum nomen ad occasû  
declinat, ut nunquam in oriente laudis appareat,  
magnum dedecus, si ad vesperam abjectioris socor-  
diæ damnata indoles in patenti meritorum zodia-  
co amplius meridionari non cogitet. Caliginosæ  
nimium animæ frustra annis annos protrudunt,  
dum sinè splendore illustrioris cuiuspiam facti vi-  
vunt ipsam usq; caniciẽ provectæ; ut nullum in ijs  
reperias nitorem, nisi illum, qvem canæ senectu-  
tis exhibet pruina. Sed exiguus hic nitor in e-  
jusmodi nivibus, qvia fædam vitiorum uliginẽ  
sæpenumero tegit, & quamvis ab extra candica-  
re videatur, turpi nihilominus improbitatis cæno  
incubās in ipsa frigidæ mortalitatis hyeme evane-  
scit. Magnam certè dementiam redolet, qvale-



qvale probitatis lumen turpi extinguere inertia,  
vel gliscentes naturæ igniculos suppressere, quan-  
doquidem unicus etiam bonitatis radius vivaces  
exornat animos, quid si ad ampliandam nomi-  
nis claritatem plures accendantur. Deniq; Plu-  
toni atra placeant inferorum limina, alios Deos  
luminosa siderum delectat patria, ideoq; puduit  
Junonem, quod semel tantum in nubem mutata  
aliquantum obscurior lateret, né ab Ixione cape-  
retur, alias lacteam in cælo effudit viam, quate-  
nus tam crassum errorem detergeret. Neq; ex-  
pedit hominis animum lucis esse osorem, docu-  
mento, quod & informes ursæ in splendidas a-  
beant Cynosuras, leones & tauri, solis stationa-  
rios se esse gaudeant, aqvatici pisces in phæno-  
mena eidem planetæ degenerent, corvi & olo-  
res stellarum fulgorem induant, tortuosi demum  
serpentes (qui abstrusiores amant latebras) in lu-  
cidas astrorum faces commigrare non dedignentur.  
Innubis mens semper virtutis exhibet fere-  
num, quod si adversos difficultatum nimbos illi  
obtrudat ignavia, vibrantius ejusdem jubar  
hæc nubila perstringit. Limpida ingenij acies  
diaphanam speculi æmulatur claritatem, quia re-  
fractos lucis publicæ radios ad ultimum etiam or-  
bis cardinem projicit, né uni tantum angulo na-  
ta esse videatur. Et WITWICIANI No-  
minis gloria longè latèq; suos diffundit splendo-  
res, ut infensus quoq; livor, qui aliorum recte-  
facta Titanico everberat aspectu, clausam resera-  
re cogatur palpebram, thaumaturgâ tanti lumi-  
nis oppressus majestate: adeoq; insolitus hic ful-  
gor omnium in se rapit oculos, ut libentiùs eidem  
infixi hæreant, quàm si, lætiores astra ejaculentur  
ignes



ignes. Obruit sagaciores oculos gentilitia Tuæ gloriæ magnitudo, nam quotquot merita computarunt Tuæ Domus Aborigine **ILLUSTR: DOMINE**, vel Tu ipse numeras cum superstite magnorum virorum corona, tot illustres Pharos accendis, quæ suis facibus prælucent fluctuanti patriæ cymbæ, inter decumanas adversitatum procellas, ut coronatæ illius portum tangant feliciter carinæ. Sed quomodo atrii literarum carbones aut nigricans sepia fuligo tanta lumina accedere audeat? penes quæ & ignea Isocratis dictio, & Periclis extinguerentur fulmina. Nemo tamen succensebit tui nostræ svadæ, quod præfidenti ausu adrepere præsumat fulgurantibus Tuæ stirpis radijs. Vtiq; minutioribus trochilis solem aspiciere licet, non modò præpetibus aquilis, neq; ipsis tantum balænis concessum sudam cæli faciem contemplari, & exili uranoscopo eadem felicitatis non denegatur portio. Et jam inter arctos paginae limites constringi patieris Tuæ Avitæ Domus decora **ILLUSTR: PRÆSUL**, quibus comprehendendis ne ipsum quidem æternitatis volumē sufficeret. Necdubium est, quin diffusi per orbem splendores, ubi chartam influxerint, lucem umbratico operi affundant. Et cum tota Posnania densioribus effunditur cuneis ad Tuum in suam Cathedram ingressum, nos totidem sistimus affectu, quot literarum catervas, & quò non licet ire oculis, itur amoribus. Invidemus avido hujus solennis pompæ spectatori, cui Te ipsum ipsum cupido tantum spectare vacabit tranquillū vultu, sed maiestate serena mulcentem radios, submittentemq; modestè fortunæ vexilla suæ. Hoc tamen nobis sufficit, quod absentes Tuo Nomini interpretem animi nostri in pagina demus applausum. **SPLEN-**



# S P L E N D O R P A T E R N Æ L I N E Æ ILLUSTRISSIMI PRÆSULIS.

**A**Rcano quodam Divinæ mentis decreto statutum est mortalibus magno sanguine nasci, illi tantummodò privilegium hoc favorable Numen concessit, quem ad magna destinavit. Non cuibet datum ex procera consanguinitatis arbore regalia decerpere poma, ducales efformare clavas, aut Mareschales lituos: ut solertem exinde advertas naturæ delectum, quæ non vulgares quærit animas speciali avitæ propaginis donandas auctoramento. Pulchra hæc primi Conditoris dispositio, quòd rebus creatis inæqualitatem assignaverit, ut una eminentior alterâ, aut venustior appareat, majores collibus montes, vastiora fluminibus æqvora, pulchrius argento aurum, pretiosior pyropo adamas, speciosior ligustro rosa, amæniores sua viriditate cedri, quàm ornus, aut pinastr. Ea quoq; inter patritias stirpes discretio, ut unum sceptris & diadematis accenseant secreti quidam astrorū calculi, alterum damnent ad agrarios ligones, hunc aureo deputent portando velleri, illum verò simplici opilionum lanæ, hunc adaptent honorarijs Consulibus securibus, illum verò abjectæ accommodent bipenni. Adeoq; paritatem in omnibus dari noluit Divini intellectus coordinatio, sed promiscuam parvitati magnitudinem interpolavit, deformitati venustatem, vilitati pretium, imæ abjectioni eminentissimam celsitudinē.

WITVI.



WITVICIANÆ Domus hæredes in altum aviti  
 sangvinis ideo provecti, quia ad summa eodẽ  
 destinârunt cæli, paresq; illorum virtuti cunas  
 effecerunt. Vetustissima hæc Familia ab externis  
 originatur gentibus, scilicet Safforum, seu Saxo-  
 num stemmate. diu duraturam nemo ambigat,  
 quia in faxum dirigit; nullo fatorum turbine  
 extingvendam quilibet non vano ominetur au-  
 gurio; quia ex tam nobili filice vel Mars suo mu-  
 crone, vel armata Pallas suæ hastæ spiculo ignes  
 excitabit triumphales. Inundantibus ea rerum  
 tempestate Germaniam Gottis, à Luneburgo infe-  
 rioris Saxoniae civitate in Pannoniam suas WI-  
 TVICII deduxerunt colonias. Hem qualiter  
 primos tantæ Profapiæ splendores veluti quadã  
 invidia laborantes eripiebant sibi diversæ orbis  
 plagæ, una alteri cedere noluit, de tam nobili  
 thesauro tacita jurgia, & contentio exorta, quàm  
 Gottici belli æstus dirimere debuît. Ita sanè de  
 magni momenti incolis mordicus ipsa litigare  
 sciunt climata, de illustribus viris unus cum alio  
 ad invicem rixatur locus, & nisi opportuna tem-  
 porum vicissitudo hæc diffensiones componat,  
 nulla ratione sedantur. Et quia tunc Lunembur-  
 gi Diana Ephesina colebatur (uti Strabo memo-  
 rat) WITVICII indè cum alijs familijs oriun-  
 di signum Dianæ Lunam in stemma traxerunt.  
 Egregium apprime tantæ stirpis insigne, clarissi-  
 mo nimirum generi splendidum debebatur lumi-  
 nare. Inter alios millenos secundus cæli oculus  
 Cynthia postquam nova inclytæ Domus aspexit  
 decora, astra etiam relinquere voluit, ut in hoc  
 terrestri luceret zodiaco, & libenter tunc serenior  
 Phœbe sororis titulum exuisset suo fratri in con-

*Witvicio-  
rumFami-  
lia origine  
ducit exSa-  
xonia.*

*Tandem ex  
Saxonia in  
Pannoniam  
colonias de-  
ducit.*

*SignumDi-  
anæ Ephesi-  
na lunaWi-  
tuicys inStē-  
ma abijt.*



*A bonis  
Witevice  
vocati Wi-  
tuicy.*

temptum, ut WITVICIANÆ lucis consan-  
gvinea fuisset. Nominis illorum ethymologiā si  
indagare lubet, à bonis Witevice hucusq; propè  
Luneburgum in finibus Vestphaliæ sitis deriva-  
tur, quæ nomenclatura ex idiomate Saxonico can-  
didam notat sapientiam. Unde non ex vano li-  
cuit vaticinari, penes hoc ethymon nascituros  
nepotes, qui ius ad sapientiam haberent. Et certè  
in hac Domo videre est omnigenæ eruditionis  
encyclopædiam, nata ad laureas capita, gravidos  
Minervæ vertices, pulchroq; sociatam fœdere avi-  
to sangvini prudentiam. Jamq; WITVICIO-  
RUM Prosapia à Gottis in Pannonia locata, & po-  
stea Gotticæ nobilitati incorporata in castello  
Virovitica juncto scilicet Gottico appellativo cum  
Saxonico, ac tandem successu temporis septem  
civitatis donata, in regno Dacorum nunc Trans-  
sylvaniæ Principatu. Nimirum pediseqva est ma-  
gnarum mentium fortuna, & quæ apud serviles  
animas regnatricem dominam se esse proclamat,  
egregijs heroibus ancillari pro maximo reputat  
imperio. Turmatim ruunt in illustres viros be-  
neficia, nunquam illis solitarius obviat favor, sed  
conferto gratiarum agmine eosdem coronat. Se-  
cundæ sortes addensatis circumstant cuneis ma-  
gnæ authoritatis personas, plenis effunduntur cor-  
nucopijs felicitatum examina, ut decumanos labo-  
res præmiatrice refundant benevolentia. Tan-  
dem ex Hungaria primi Safforum, illustris Septa-  
poleos colonia in Russiam comitata Coloman-  
num Regem, qui cum filia Ducis Poloniæ Lesci-  
Albi Diva Salomea accepit in dotem regnum Ha-  
licia, alias Gallicia, Vlodimirienfi Regi per Polo-  
nos ereptæ. Quondam de forti egressa est dulcedo,  
cum

*Merita  
translata  
florent, &  
apud exte-  
teros coro-  
nantur.*

*Primi Abo-  
rignes Wi-  
tuiciæ Fa-  
milie Regē  
Colomannū  
in Russiam  
comitantur.*



cum lacertofus Samson in ore occisi leonis dulcē  
reperit favum : sed neq; Roxolano leoni defunt  
melliti dulcores, quos illustres Sassorum ceræ ex-  
hibent. Non ipse sol in signo leonis stationarius,  
& lunam in leone horoscopantem exploratrix ad-  
vertet pupilla. Placuit Colomanno versata in o-<sup>Sassi ad Re-</sup>  
mnibus Sassorum indoles, Bellonæ alumna, ideoq; <sup>gnum Colo-</sup>  
per totam Pokutiam, & tractum Sanocensem eidē <sup>mānū & ill-</sup>  
latifundia concessit anno supra millesimum qua- <sup>ad bona eo-</sup>  
dringentesimo secundo, ubi ad flumen Swieca pri- <sup>dem admi-</sup>  
ma suæ propaginis WITVICII posuere fundamen- <sup>Witvica</sup>  
ta. Talis quippe statio debebatur calefactis Mar- <sup>flumen in</sup>  
tiali igne pectoribus, quæ à flamma suum forti- <sup>Swieca in-</sup>  
retur nomen. Et dubium est, an ille fluvius se- <sup>fluit, & ac-</sup>  
cundum suam denominationem extrinsecam (can- <sup>cenditur.</sup>  
dela videlicet nuncupatus) ignis an aqua fuerit ?  
ubi penes hosce Flaminios æstuavit adeo, ut Au-  
sonium Trebiam suis ardoribus superaverit, cujus  
olim flamma vorax imo de gurgite tractos absor-  
psit vortices, vix extincta profusiore Romani san-  
guinis diluvio. Verius dixerim, quod amnis ille  
festivos in suo ethymo accendit ignes tantis in  
Russia hospitibus, adeoq; præsentē WITVICIA-  
NA luna licuit aquaticæ ardere candelæ. Sed jam  
ipsis Tuæ Familiæ præclaris primoribus vectigale  
debetur encomium, quanquam doctioris Mercurij  
talaria eò pertingere nequeant, quò illorum elu-  
ctantur conatus. Quamvis tamen tenuior svada  
gestorum amplitudinem attollere non sufficiat,  
satis tamen est, quod summa hæc nominanon de-  
sinat unquam ; fama per immensum mille cre-  
pare tubis. Vetusti loquuntur annales Gottici san-<sup>Saxones Po-</sup>  
guinis Reges WITICIOS in Hispania imperasse, <sup>loniæ suis</sup>  
Saxones gentiles WITICIORUM in Anglia do- <sup>meritis ex-</sup>  
<sup>terna occu-</sup>  
<sup>pant solia.</sup>



minatos fuisse, in Gallia florentes extitisse. Qvis tandem ambigat inclytam adeo stirpem in auge lucis consistere, quam tot serenissimi splendores illustrant? Rara domus est, quæ coronatos pariat vertices in diversis mundi partibus regni flectētes habenas; rarus cujuspiam profapiæ decor, qui tot sceptris ac diadematibus effulgeat. Genus Regum es ILLUSTRISIME PRÆSUL, clara Principum propago, quos exotica in throno adoraverunt dominia. Alij ducales mitras, Irenarcharū lituos, signatorias gemmas in suis numerant ceris: Tu verò Regum computas stephanomata, aurea ostentas vellera, ut non immeritò regina fiderū luna in gentilitiam Tibi commigrarit tesseram, quæ in Hispania, & Britannia regnatrices animas parturivit. Sit sanè anteambulo solis Phosphor⁹, purpurascens regij muricis aurora WITVICIANÆ Cynthiæ prodromam agit. Pulchrè eqvidem per coronati sanguinis Erythræum navigatur ad aureæ felicitatis Chersonesum; pulchrum est illius stipitis esse furculum, in quo regalia nascuntur poma.

**N**on fileo alijs omisiss Generalem WITVICA,  
 Danico, Syetico bello clarissimum herœm,  
 quem Adolphus Carolus Rex Sveonum pugna navali extinctum  
 magnificentissima honoravit sepultura,  
 in hoste etiam admiratus virtutem.  
 Auro imbracteatus post fata quiescat necesse,  
 cui in vita dulce ferrum fuit;  
 ditioris Tagi aut Hydaspis abluendus vortice,  
 quem suus purpuravit cruor:  
 gemmea pretiosi Gangis cumulandus grandine;  
 qui rubentes proprii sanguinis pyropos pro salute patriæ expēdit.  
 Nunquam tam pulchra corallia mare Balthicum vidit,  
 quam



quàm ubi cruentas cordatissimi Ducis stillas suis gestavit fluctibus;  
nunquam pulchriorem in aquis muricem observârunt vorticosi gurgites,  
quàm dum sangvinolentus hic heros inter procellas erubuit.

Voluit juxta Pòetarum opinionem marmoreum æquor  
verè tunc in lapidem obrigescere,

quatenus occiso Duci sarcophagum præbuisset.

Alia WITVICIANÆ Domus sidera cothurnatâ quidē exigunt eloqvētiâ,  
sed quia erectis patritiæ lunæ cornibus satis in altum attolluntur,  
humiliorem quoq; non dedignabuntur stylum.

BASILIVS WITWICKI Princeps nobilitatis Leopoliensis  
ante annos nonaginta nihil non basilicum egit.

Apud multos in facundioribus labris nascuntur pulchræ dicendi Veneres,  
sed quæ tacitiæ simulationis sovent prostibulum.

Hyblas interdum ore premimus,  
mellitū tamē venenū subdolæ fraudis in illo favo multos enecat.

Plurimi venustæ dictionis purpurisso adulationem pingere sciunt,  
angvibus implicatum hujus Medusæ caput verborū calamistro adornant:  
verū procul hæc à BASILIO WITWICKI censura,  
utpotè qui in rebus adversis sine fuco propinavit consilia.

Non ablusit à suo Patre Filius

Dapiferi Leopoliensis munere donatus.

Filiam reliquit præclarum sidus Sarmatico orbi parituram;  
quæ nupta Czerniechovio, peperit matrem magni Zolkievij.

Fæcunda quædam nubes est WITVICIANA Domus,

ex qua tot hostium fulmina erumpunt,  
illustris concha, quæ nivea erga patriâ nitentes, candore gēmas progignit.

Auro tandem notandum Parentis Tui nomen

SAMVELIS WITWICKI umbratilis sepia in paginam effundit;

Ex Anastasia de Zorakowice natus,

viginti annis Martiale sagum portavit.

Infractum adversis animum hujusce viri illud comprobat;  
quòd sub tempus Cosatici & Scythici belli jacturam æquanimiter tulerit  
suorum suæq; consortis fratrum plusquam tredecem,

qui partim in acie cæsi, partim in captivitatem abducti erant;

Et hoc est magnanimitatis argumentum,

millenos, mæroris, jectus fortiter sustinuisse,

licet hic crudelis Sterops, fatali malleo, pectoris, incudem quatiat!

Deniq; illibatus erga bonum publicum candor Parentis Tui

**ILLUSTRISSE ANTIESTES,**

consummata in agendo prudentia, aliæq; civilioris animi dotes



sibimet ipsis luculentam texunt panegyrim,  
quamvis adscititio eloquentiæ non adumbrentur colore.

Porro ejusdem Parentis Tui Patruus  
Martialium gestorum seriè pennam fatigat,  
non patritio tantùm luminari præclarus,  
sed etiam conjugalibus tædis cum Ducissa Czartoryska,  
utrinq; concentrato splendore quandam lucis patriam aperiens.  
In ipsius cerebro sapientia suos deposuit thesauros,  
quibus aliorum ditarentur ingenia.

Adeoq; caput ejus fuit aurum optimum,  
nulla formosæ falsitatis adulteratum specie.

Plerumq; acuta indoles publicam hebetat felicitatem, non acuit,  
non Lydius huic auro probando, sed lapis offensionis;  
ad quem si integritas patriæ impingat, fatalem experitur scopulum.

Tui Patruus felix ingenium secundas sortes Reipublicæ parturivit,  
ut ex illius capite non Minervam tantùm, sed & Fortunam nasci constaret.

Alios septem Patruos varia absumpsere bella,  
nonnullos Moschoviticus deglutijt Draco,  
duos Musurmanica luna acutis confixit cornibus,  
cæteros Scythica percussere fulmina:

verbo dicam ducentos numerare est WITVICIOS,  
qui circiter quinq; sæculis binam hecatomben patriæ litârunt.

Non domestico nata hæc nomina angulo,  
semper ingredi ardebant theatrum publicæ lucis,  
quam mucronum fulgura accendunt.

Probrosam fanè insitos à natura igniculos ad patrium damnare focum,  
turpe in domestico pulvere sepelire talenta.

Sedentariæ animæ ruituram fortasse domum existimant,  
si se angulares lapides eidem subducant;  
colliqvandas omnino illustres ceras arbitrantur,  
si publicum solem aspiciant.

Odi inertes animos, quibus evanidum auri fulgetrum placet,  
non chalybis livor, vel encaustica cataphracturæ majestas,  
pantherini cultus arrident,  
non tygridum, aut leopardorum exuvia.

WITVICIIS rigidus ferri placuit horror,  
tota demum vitæ clepsydra Martiali fluxit arena.

Ideoq; quantum alij in curulibus eminebant,  
tantùm illi in cruento Bellonæ circo eminentiores habebantur.

SPLEN-



# S P L E N D O R

## COGNATI & AGNATI SANGVINIS

### ILLUSTRISSIMI PRÆSULIS.

**N**ullus pudor est, alienos mutuari splendores, si proprii suppetant, nulla infamia adventitijs stipari decoribus, si sui etiam non desint, quibus non obscuræ mentes clarum accendant meridiem. Diaphana speculi perspicuitas minimè indè arguitur, quòd collectos solis radios sua claudat concavitate, quia & ex se ipsa satis habet ornamentis. Quid obstat si aurum adamantibus vel gemmis distingvatur? quandoquidem illius pulchritudo sine adscitijs fulgoribus sibi ipsi ad pompam sufficit? cur inter niveas liliorum cohortes purpurascens non compareat rosa; siquidem absq; argenteo vicini floris nitore ejusdem purpura in pretio? quare candidus olor oculatis pavonum pennis se se non immisceat; ubi sine variegatis collateralium volucrum picturis proprio albicat candore? quid impedit, quòd naturalibus inspersæ maculis tygrides inter discolores consistant pantheras; si pari cum iisdem certant elegantia? Aliud est emendicatis vivere suffragijs, suamq; obscuritatem alienis deaurare luminibus. Frustra abjectus flix à pyropis vel unionibus venustatem commodaverit, nullo ab extrà conspicuus splendore, nisi quem è penitioribus ejusdem fibris scrutator chalybs excusserit, frustra limosæ paludes à pellucida fontium crytallo erogent limpiditatem, cænosæ aquæ torpentes desidia, in cassum pugionibus horren-



tes cardui suavem violæ expetant fragrantiam ,  
dum attrectati manibus locò odoris , gravem mor-  
sum infigunt. Quid prodest si infumatus Mul-  
ciber ad Sicaniaë incudis caminos stibio vel ce-  
russa nigricantes pingat genas ? non expedit tri-  
obolaris Cerberi collo smaragdis incrustatam im-  
ponere numellam , vel obryzo rigentes catenas.  
Denigrato Plutoni non competunt ignea Iovis ful-  
mina , sed atrii carbones , serpentino crispata  
capillamento Gorgonem nequaquam aureus tor-  
ques , vel gemmæ ornant inaures. Verum il-  
lustribus prosapijs magnarum domorum colliga-  
tio ex æquo competit , ut pulchræ suæ lucis fere-  
no penes aliam serenitatem magis pulchrescant.  
Vnde non parvam luminis portionem affundi suæ  
lineæ gratulatur, quemcunq; inter magna terrarū  
sidera fortunata inserit cognatio , & arcto con-  
sanguinitatis nexu cum mitratâ Principū progenie  
stabilita ligant fœdera. Mare tantum non redun-  
dat, quamvis plurimos suo sinu recipiat fluvios:  
at verò sanguinis aviti Erythræum grandi erum-  
pit eluvie, quando cognatarum domorum flumina  
intra vastos comprehendit margines.

**E**T Tua Reverendissime PRÆSUL Cynthia  
per affinitatis consortiū multas cōplectitur illustrissimas propagines.  
Ambit suo hemicyclo DANILOVICIORVM Lunam,  
cui sudum gloriæ semper arrisit.  
Claudit non ab similem tesserani CZERNIECHOVIORVM, DUBRAVSCIORŪ,  
DZIDOSZYCIORVM, KRVSIELNICIORVM, MNISCIORVM, HOSSOVSCIORVM.  
Toties hic Planeta feliciter attingens crescentem honorum, famæq;  
plenilunium,  
unicam tantum decrescentis lunationem non novit,

quia



quia nunquam parsimonia lucis laboravit.  
 Et ZOſKIEVIORŪ Solea WITVICIANI Luminaris ingreditur semicirculū,  
 non humile ejusdem decus,  
 utpote Moschovitici Draconis superbum caput conterens,  
 inqvilinas uliginosæ Mæotydes Lernas Tartaros inq̄vā conculcās.  
 Involat lunati arcūs medium KALINOVIORVM Sagitta,  
 gemino stellarum stipata satellitio.  
 Iamq̄; indubitatum est,  
 non atro infelicitatis carbone metam gloriæ Tibi signari  
 ILLVSTRISIME ANTISTES,  
 sed aureā fortunæ notā,  
 qvā tangat auratis cuspidata Stellis KALINOVIAE Domus arūdo,  
 ad eundē perennaturæ laudis scopū cum Tua collimans Sagitta.  
 Avita OSSOLINIORVM Ascia huc etiam terfissimos refert splendores.  
 In cassum suos barbaria exerat conatus,  
 ut WITVICIANÆ Phoebes decutiat cornua,  
 cui in suppetias accedit Illustrissima Bipennis,  
 nullo hebetatam chalybe aciem obtrudens.  
 CZARTORYSCIORVM armatus Eques ad eadem propinquitatis jura pertines,  
 non ignarus, juxta Pōetarum opinionem eqvis provehi lunarem currum.  
 Etiam POTOCCIORVM Crucē Tuæ Hecates vastior comprehendit capacitas,  
 ut ostendat terno POTOCCIANI Stemmatis gradu  
 ad altiora qvæqvæ WITVICIIS dari ascensum.  
 FREDRORVM Vnicornis propius Tuo accedit Phaneti,  
 bene persuasus idem esse Dianam, qvōd Luna;  
 ac proinde in sinu illius omnem exuit feritatem,  
 adversus hostes eandem exerturus.  
 Influunt BAſABANORUM Fluvij capaciorem WITVICIANI Astri ambitū,  
 qvōd rubicundum hostili sanguine majorem purpurissum induet,  
 terno hoc Rubicone miniatum.  
 Observaverint recentiores Astrologi in cælesti luna maculas,  
 quibus varia nomina affinxere,  
 iam lacum mortis vocitantes, stagnum glaciei, mare putredinis:  
 in Tua Cynthia limpidissima Fluminem cognatorum claritas funestos  
 adeo odit titulos,  
 nimirum lacteo colorata candore.  
 Novus hic terrestrium planetarum concursus,  
 ubi tot sidera, quot Profapiæ ad WITVICIORVM Lunam confluunt,  
 suamq̄; lucem illius maritant fulgori.



# S P L E N D O R M A T E R N Æ L I N E Æ, ET CONSANGVINEARUM EIDEM DOMORŪ.

**E**Xtra omnem ambiguitatis metam est, totum universale suis constare partibus, & quò plures numerantur, eò solidius constitutum faciunt. Superbæ ædificiorum moles pulfant suis nubes acroterijs, sed quot faxis vel lateribus ingens hæc firmatur compages, nec Arithmetica industria ad calculum revocaverit, grandis orbita æternitatis tot myriades sæculorum absorbet, & nunquam saturatur, æqvoris latifundia innumeris addensantur guttis, elatiores arborum staturæ frondibus & folijs constituuntur, unicum fulmen, quàm infinitos habet atomos, quibus coaugmentatum est architectante solis operâ, mala Punica Cerealesq; aristas tot grana componunt. Deniq; omnis rei perfectio suam habet ex qua coagulatur partialitatem. Et Tuæ Domus Illustrissima compages PRÆSUL Reverendissime suis gaudet partibus, quæ ad illius constitutionem plenis concurrunt catervis. Alia jam cum lacte materno Te circumfluunt decora, ut non minùs è Paterna stirpe, quàm ex Matris origine clarissim⁹ habere. Maternæ Tuæ lineæ principium fuit in Palatinatu Siradiensi Familia Dołegorum hæredum in Rosciefzyn & Smiłow, Kozminder appellationem natorum. Multos Prosapia hæc illustres dedit viros, Arnolphum Episcopum Posenanensem, NICOLAUM LASOCKI Cardinalem, & Antistitē Vladislaviensem, Kretkovios, Narzymscios, Sierakovios, Zalescios, Mostovscios, Kowalevscios, aliosq; complures.

Bene



Bene est,

quòd tam nobili fonte oriunda profluxerit Mater Tua

ILLVSTRISIME PRÆSVL,

ANNA de ROSCIESZYN.

Omnis gratiarum cornucopia in illius nomen immigravit;  
unam ex ternione Charitum quilibet spectator credidisset  
omnigenæq; virtutis dioptram.

Quoniam verò frequentior docuit praxis filios matris induere naturam,  
ex Tuo Divini cultûs zelo metiri possumus  
ardentissimum Numinis amorem in Tuæ Genitricis pectore,  
qui magis in dies ignescere videbatur  
toto etiam Oceano minimè extingvendus.

Numerosi orphanorum cætus suam inclamabant patronam,  
quæ miserabiles pupillos veluti pupillas fovere scivit.

Nullus gratior fremitus insonare poterat ejusdem auribus,  
quàm lachrymabundæ egenorum voces;  
nunquam majorem se dominam esse credidit,  
quàm si mendicabulorum stiparetur satellitio;  
imò regnatricem se putabat,  
quoties conferta miserorum cingebatur corôna.

In ROSCIESZYANA KOZMINDRORVM  
Profapia Palatinas curules Sarmaticus orbis adoravit,  
documento, quòd Abavus Parentis Tuæ

LAVRENTIVS de Roscieszyn KOZMINDER  
Palatinum Siradiæ egerit.

Alijs frigida ex ore prodeunt consilia,

quia glaciali nascuntur pectore:

ROSCIESZYI igne amoris excocta quælibet dictio  
Polonorum Qviritum mentes accendebat.

Deprædatrix illius lingua ita dextrè humanos sensus furabatur,  
ut nemo advertere potuerit eloquentem Mercurium.

Pari certabat ingenio cum suo Parente Tuæ Matris Genitor

NICOLAUS ROSCIESKI

Minervæ & Gradivi alumnus,

utriusq; voto egregijs suis dotibus optimè respondebat.

Dignus equidem millena panegyri, cujus

E

Atti-



Attica svadæ  
 Temperies, & Sparta domi communibus æqvè  
 Militat obsequijs, & moenia duplici vallo  
 Consilij, Martisq; tegit  
 Pulchro ligantur fædere sapientia, & fortitudo,  
 ideòq; in cardines virtutum abiivere.  
 Doctior Pallas ægidem & scutum non refugit,  
 Apollo amat pharetram,  
 Iupiter idem caput quod Minervam peperit, semel Satyri,  
 aliàs tauri armat cornibus,  
 ut non sapiens tantum, sed robustus etiam appareat.  
 Hinc ROSCIESZYŃO capite simul & manu plurimū valere intra gloriā stetit,  
 quando hastatam phalangem Stadnicij in Moschos duxit  
 proprijs viribus, maturoq; sui judicij consilio solidè innixus.  
 Verum præter nativos splendores ROSCIESZYANÆ Domui  
 cognata accedunt lumina ex avitis KRAIEVSCIORM ceris,  
 Tua namq; Parens nobilissima Soboles  
 CATHARINÆ de Kraievicē,  
 aurea illius clavi non tantum felicitatis portam,  
 sed etiam adamantinas æternitatis fores referare potuit.  
 Huc etiam MIESZKOVSCIORM propago pertinet,  
 quæ Aviam Tuæ Matris produxit,  
 verè magni sanguinis Archipelagus dicenda,  
 in quo tot clarissimos antecessores videre est  
 domestica Sagitta septicipites Hydras configentes,  
 in toga labantem patriam consilij sustentantes.  
 TRZEBICCIORM progenies ad Te spectat Illustrissime ANTISTES,  
 Scimus enim Aviam ANDREÆ TRZEBICKI  
 Episcopi Cracoviensis maritalibus conjunctam tædis  
 Clementi Proavo Tuo.  
 Placuit nimirum TRZEBICCIORM Olori innatare Tui sanguinis Caistro,  
 qui per tot illustrissimas stirpes exundat ingenti eluvie.  
 Iterum per reciproca connubia jungitur  
 consanguinitatis nexu Tuæ lineæ  
 IOANNES WĘZYK Archiepiscopus Gnesnensis,  
 bene Archipræsuleus serpens ROSCIESZYANÆ annectitur sagittæ.  
 cum & inter serpentes dentur jaculi, qui cum sagittis æqualiter volant.  
 Non qualiquali hic angvis latet in herba, sed in Gnesnensib9 lilijs,  
 ore pomum deportans, ut detur pulcherrimæ,  
 Tuæ videlicet Parenti.

Eorun-



Eorundem soleæ vestigijs agnoscitur  
 IOANNES GRVSZCZYNSKI  
 Archiepiscopi Gnesnensis Rosa,  
 cujus odor orthodoxam recreavit Ecclesiam;  
 quando graveolentes enecuit scarabæos,  
 rebelles inquam Crucigerorum copias.  
 Fulgurat fævo Martis nitore gentilitius VIEYSCIORVM Mucro, adeo;  
 ut collisis adinvicem cum Solea ROSCIESZYANA splendoribus  
 Titanicos hostium everberet obtutus,  
 imò funestas etiam belli faces vehementioribus flabris extingvat.  
 Non humile accedit decus Materno Nomini  
 WALEVSCIORVM Columna.  
 Nulli unquam vicissitudinum turbines  
 triumphalem hunc colossum movere poterant;  
 cui fama semper vel victoria insistit.  
 Et GEBICCIORVM Fascia ROSCIESZIIS confangvineo ligatur nexu,  
 quæ cælestem imitata zodiacum, splendidissima portat sidera.  
 Nobilis sanè Tania Archipræfuleas cruces, scipiones Episcopales  
 sua claudens periphæria.  
 KONIECPOLSCIORVM, ZAPOLSCIORVM solea assymbolam sibi tesseram invenit,  
 ut quæcunq; tandem fortunæ glacies calcanda obtigerit,  
 colligato stemmatum ternione facillè frangatur.  
 PLICHTARVM Asinus volatico accurrit passu ad Tuæ domus arma,  
 non tardum certè mobile,  
 quia Pyroëntem, vel Pegasus ad laureas præcurrere novit.  
 OLEVNICCIORVM gentilitius Samson  
 ad eundem affinitatis syllabum spectat,  
 mellea ROSCIESZYANÆ Familiæ promittens sæcula  
 ex dulci fævo in ore discerpti Leonis.  
 Et si alibi columnas ædesq; Philistæorum subvertit;  
 Maternam Tuam Domum sustentabit lacertis.  
 CZEREKVICCIORVM Leo pretiosis distinctus lapidibus  
 eidem se inserit unioni propinquitatis.  
 Deniq; MACZYNSCH, CIENSCH, & alia in proavis seges ampla ceris  
 Tuam ex Matre coronat lineam  
 ILLVSTRISIME PRÆSVL,  
 tot avitæ geneses suis stemmatibus illustant,  
 quas aurei potius characteres in memorandis annotent codicib9,  
 non calamus inter compendiosos hujusce panegyris limites recenseat.



# S P L E N D O R

## NATALIS, & JUVENILIS INDVSTRIÆ

### ILLVSTRISSIMI PRÆSULIS.

**E**Adem naturæ infelicitas est monstrosos edere partus, quod degenerem à suis majoribus eniti sobolem; si moribus nimium portentosa evadit. Idem est acephalum progigni; quod hominem esse sine cerebro: æqualis deformitas mancum in lucem prodire; atque ignavam manum ad egregios non librare conatus: par dedecus, truncatum pedibus, nasci; atque uno ad virtutem non progredi passu. Sæpius tamen resilere videmus à parentum dexteritate abortivam prolem, ut nec umbram illorum generositatis habere videatur. Sic formosus sol turpissimos gignit bufones, pulchra dies umbrosam parturit noctem, aurea sæcula pretiosis visceribus effundunt ferream ætatem, fraves mellitæ dulcedinis cellæ aculeatas pariunt apes, speciosus ignis nigricantē fumum producit, limpidæ aquarum crySTALLUS cænum in suo sinu educat, unus idemque ramus vacuum portat nucleum, perfectasque juglandes. Ex lapideo hominum genere cerâ molliores fætus, stupet Deucalio; ex aureo imbre progenitum Perseum sub ferreo panopliæ cultu adeo miratur Acontheus, ut stupore defixus in saxum obrigescat. At Tu ILLVSTRIS SIM E PRÆSUL ab Antenatorum gloria non degener, in prima vitæ tuæ aurora ostendisti, qualis olim eras futurus. Annus supra millesimum sexcentessimus quadragessimus Te in lucem edidit, sub prima veris crepundia, floridum tantæ proli assignans



gnans tempus, cui jam tunc animus erat in magnas  
efflorescere virtutes. Nimiùm invidebat deponta-  
na hyems amœnissimo veri hanc felicitatem, ite-  
rumq; dominari voluit, ut Tibi in cunis adhuc de-  
posito in profundioris reverentiæ signum canicie  
tectum flexisset verticem. Imò & aliæ anni partes  
eadem laborabant invidia, qvòd sui temporis obse-  
qvio Tibi militare non potuissent. Vicinus Majo  
Aprilis intra se qvoddammodo ringebatur, qvia infra  
suas ferias genethliacum Tuum diem non numera-  
vit. Nec minùs collateralis Junius ingenti dolore  
tabescere videbatur, qvòd è propria dierum serie  
natalem tibi non obtulerit. Optimè tamen eve-  
nit, qvia terruisset Te minorem in fascijs pupulum  
cò temporis lucens in cælo taurus suis cornibus,  
vel cancer bifulca forfice; ideoq; Majales gemini  
astra etiam deferere volebant, ut Tibi colluderēt,  
& delicatioribus abblandiētes lenocinijs pueriles a-  
gitarent cunas. Ipsæ arbores intelligere videban-  
tur magnæ spei pusionis genethlia, statimq; decal-  
vatæ hyberno rigore contextam virentibus folijs  
induerunt cæsariem; erubescens suam nuditatem  
tellus gramineo ornata amictu apparuit; nolabant  
glaciali compede flumina constringi, ut citius ad  
tanti hospitis salutationem excurrerent. Lætius  
se se explicabant flores, & latentem arctiori nodo  
evolvebant majestatem, quasi repando ore Tibi  
festivum genethliacon locuturi. Substravit Tuis  
pedibus veris primitias venerabunda Chloris, ti-  
muit frigidus Auster plenis afflare buccis Tuos te-  
neriores artus, ac proinde parcioribus labris lenes  
Tibi adspirabant Zephyri. Ita sanè tempus ipsum  
repuerafcere decuit penes magnum infantem, bru-  
malemq; exuere caniciem. Septima Maij in Per-



7. May in  
Bonis Smol-  
niki in lucē  
prodiit sub  
ortum solis.

vigilio Divi STANISLAI, alibi verò extra Poloniā  
die eidem sancto Antistiti Sacra vitales auras ca-  
ptare cepisti, felici præfagio, quia lux illa augur  
fuit Episcopalis infulæ, quæ Tuo incumbit capiti.  
In bonis Smolniki districtus Sanocensis natus es,  
quæ licet tristem in suo nomine præferebant fuli-  
ginem, Te nihilominus sine omni victurum macu-  
la sponondere. Nihil hæc umbrosa denominatio  
Tuarum virtutum splendori obfuit, cum, & in Um-  
bria nasci Claras compertum sit. In ortu solis  
primam aspexisti lucem, qui suis purpurascens  
radijs Senatorium Tibi portendebat muricem. Tā  
illustris anima noctu oriri non debuit, imò aureū  
cœli oculum in sui admirationem evocare. Ante-  
signana solis aurora diutius morari voluit, ut spe-  
ctatrix Tuæ nativitatis fuisset, verum successivo  
diurni planetæ extincta fulgore, quasi lachryma-  
bunda matutini roris stillicidio infelicem deplo-  
rabat sui occasus sortem. Nunquam vibrantior  
siderum pupilla lætius in oriente mundum aspe-  
xit, quàm tunc, ut Te melius vidisset. Non aude-  
bant nubes triste obtendere siparium, quo curiosi  
videndi illius spectaculi Titan impediretur, innu-  
be cœlum amœna polivit serenitas, exhalati terræ  
vapores altius ascendere nolebant, quin potius an-  
tiquas repetiēre sedes, ne sagatius aspicientē astro-  
rum oculum obumbrarent. Iterū splendidior Phœ-  
bus aurigari sibi Phæætonem cupiebat, ut è sua  
detractus sphæra in Tuas defluxisset cunas. Simul  
duo nata sidera videre fuit, unum astris, alterum  
Te Sarmatico orbi, utriusq; insolitum jubar, æqua-  
lem amborum majestatem. Tandem è sacro fon-  
te levatus es à Generoso LUCA de magna Clofasso-  
rum stirpe, stēmatis Janina, non sine omine, quòd  
ejus-

è Sacro fonte  
levatus à Ge-  
neroso Luca  
de Familia  
Clofassorum.



ejusdem tesseræ primo Patrinum, postea Patronū  
 habiturus eras in Persona Serenissimi JOANNIS  
 III. Iam tunc scuto fidei armaberis penes gentile  
 Patrini Tui Panopliam, sanctiorem hanc cataphra-  
 cturam retundendis infanæ hæreseos telis opposi-  
 turus. Septennis demum cum Generosis Parentib⁹  
 in Palatinatu Lublinensi confedisti, prima literarū  
 rudimenta Lublini condiscens circa annum quadra-  
 gesimum nonum. In puerili prætexta apparebat  
 magna addiscendi omnia aviditas, veluti argumē-  
 tofæ apīs, quæ millenis floribus mellitum exfugit  
 nectar, nec unico contenta Hymetto, favio-  
 rem quærit Hyblam. Vivax prodebat se se indoles, ceu  
 promicans è nube fulgur; arridebant juvenili ani-  
 mo pretiosæ scholastici laboris gemmæ, quibus sa-  
 pientia emitur. Piè tandem mortuis Parentibus ab  
 Avo Materno FRANCISCO DUBRAWSKI Suc-  
 camerario Premysliensi Directore tunc Equestris  
 ordinis in generalibus Comitijis traderis ILLU-  
 STRISSIMO VENCESLAO de Leszno  
 LESZCZYNSKI Episcopo Varmienſi, quem  
 ingenij Tui acrimonia permovit, ut in Varmia pri-  
 mō Reſſelij, dein Brunsbergæ Te studijs admoverit  
 cum Noſkovijs, Karvacijs, Baykovſcijs, Wilkovſci-  
 is, quibus liberalitas ejusdem in condiscendis lite-  
 ris ſuffragabatur. Raritas quædam eſt magnorum  
 virorum affectus mereri: rarus phœnix, qui in hac  
 illuſtri amoris ardeat pyra. Induſtrius auceps eſſe  
 debet, qui ſine viſco adulationis plumatam hanc ca-  
 pit volucrem. Magnatum gratia bene chamœleon-  
 tis naturam exprimit, quia ſæpius mutat colores, a-  
 lienis ſuſpirijs quaſi vento paſcitur, nunquam tamē  
 ſimili pabulo ſaginatur; quò magis clientum anheli-  
 tus confumit, eò magis abligurire vellet ejuſmodi

Lublini ru-  
 dimenta li-  
 terarum co-  
 diſcit.

à Genero-  
 ſo Domino  
 Franciſco  
 Dubrawski.  
 Succamera-  
 rio Premy-  
 ſlienſi Avo  
 Materno  
 traditur Il-  
 luſtriſſimo  
 Venceſlao  
 Leſzczynſki  
 Epico  
 Varmienſi.

Reſſelij de-  
 inde Brunſ-  
 bergæ ſu-  
 det.



Ethefias, Principum favores idem est quod leones venari, si ignarus artis venator accedas, graviolem morsum senties. Animos dominorum velle sibi conciliare omnino arduum; nam grandis hic Oceanus parvæ scrobi non infunditur. Scivisti ILLUSTRISSE PRÆSUL LESZCZYNII demereri affectum compositis moribus, seniliq; gravitate. Suspexit modestissimi Tui vultus theatrum admirandus ANTISTES, in quo nulla mutatio histrionicam egit. Agnovit gentilij illius Bisontis vertex Tuum caput in tenera ætate jam sapientiæ destinatum, ideoq; Te doctioribus Musis consecravit.

Uno mense  
infimā Scho-  
lam Grāma-  
tices, altero  
mediā, duo-  
bus mensibus  
supremam,  
Pœsim uno  
mense, Rhetoricam du-  
obus absolvit.

Illud porro mirandum est, quod infimis literarum principiis unico tantum mense, mediæ classi Græmatices altero, supremæ duobus mensibus operam navaveris, uno mense Pœsim, duobus Rhetoricā absolveris. Inaudita hæc discendi celeritas, non integro anni decursu tot difficultatum ambages superasse; idq; non primis tantum libando labris, sed perfectam omnium combibisse notitiam. Alijs totus evolvitur anni circulus, antequam exiguas Hypocrenis scaturigines ingenij aquæductu attrahant, totæ trieterides, vel olympiades decurrunt, donec Rhetoricos aliquantisper degustent fontes: Tu parva temporis intercapedine æquè Castallios latices, ac flumina eloquentiæ exhausisti. Novum Bellerophontem alato ferri Pegaso credebant Camænæ, ubi tam citò ardua Parnassi juga prætergressus, stupore defixos reddidisti spectatores. Patriam Lunam æmulari videbaris, quæ celerius planetis omnibus suam circumagit sphæram, festina festivaq; indole domesticæ Sagittæ volatum expressisti. Verbo dicam metricis pedibus altioreni dicendi cothurnum ita adaptasti, ut neminem æmulum



lum habueris, qvi vel assequi ingenij velocitatem,  
 vel acutos mentis conceptus imitari auderet. Mul-  
 tis in Philosophico cursu asininum pontem calcan-  
 tibus solenne est tardos lentare passus, Tibi præter-  
 volare eundem non erat difficile. Nemo tunc ex  
 coætaneis celerius salire potuit ad Aristotelici  
 organi sonos, quàm Tu agilis chorostata. Pluri-  
 morum rotat capita imò absorbet mentes ejusdem  
 Stagyrity Euripus, Tuam movere non potuit vor-  
 ticoso circuitu, quamvis ad fundum usq; illius  
 scrutaretur alveos. Decursis feliciter Philosophiæ  
 Olympijs ab Illustrissimo Comite LESZCZYNIO  
 recommendatus Serenissimæ LUDOVICÆ REGI-  
 NÆ, cujus animum cepisti rarioribus talentis, exi-  
 mjsq; naturæ dotibus; ut brevi Reginalis Maje-  
 stas ad aulam Principis à Conde in Gallias Te able-  
 gaverit, ubi honorificè exceptus, studijs applicaba-  
 re tam militaribus, quàm politicis. Theologicam  
 ibidem rimabaris abyssum, Iuris Canonici praxim,  
 Historicæ eruditiones, Geographicas difficultates,  
 mathematicos angulos ita vivaci intellectu com-  
 prehendisti, ut omnigenâ tinctus literaturâ com-  
 pareres; ubi Te ex scientijs disputantem Sorbona  
 audiens, obstupuit. Dederunt plausum laureati ver-  
 tices consummato Theologo, bene persuasi sub  
 gelido Septemtrione dari calentes schola-  
 stici Phœbi radijs Polonos. Optima fuit  
 hæc consideratio, quòd prius sapien-  
 tiæ oleo delibutus esse volueris, an-  
 tequam sacro Mystrarum cero-  
 mate ad aras ungerere.

Ab Illust  
 Comite L  
 ſzczynio S  
 renissimæ  
 dovicæ Re  
 gine con  
 mendatus  
 a qua  
 Gallias a  
 aulam Prin  
 cipis à Conde  
 ablegatur

Theologicæ  
 Iuri Cano  
 nicæ & Ma  
 thematicæ  
 dat operam



# S P L E N D O R

EX HONORARIIS IN GALLIA, ET POLONIA  
MUNIIS, LEGATIONIBUS, ET COMMIS-  
SIONIBUS PUBLICIS

ILLVSTRISSIMI EPISCOPI.

**P**eregrina indoles si exteros meretur fasces,  
rara, & edecumata esse debet: nec omnis  
altiora scandit fastigia, qui post longa viarū  
fatigia sub exotico stetit cœlo. Plures jeiunam  
mentem ad patria reportant limina, quia ipsos tan-  
tum oculos diversis pascere objectis nōrunt, non  
animum sapientiæ bellarijs saginare, dumq; caput  
amittunt, non habent ubi honorarias reponant  
coronas. Difficile est domi honorem meruisse, nē-  
dum sub alieno climate. Aliquando teneriores for-  
tunæ pulli cereo alarum remigio in altum evolare  
gestiunt, & vix cani in provecta ætate olores rubēt  
in purpura. sæpenumero depontanæ vitæ reliquijs  
suam dignitas concedit apothecosim, seròq; hono-  
randas exponit, multa ijsdem titulorum accendens  
lumina. Vltrò in Tuos humeros ILLUSTRISSI-  
ME DOMINE honor defluxit, ubi in Gallia cre-  
atus Eqves Montis Pessulani Sancti Spiritus, Divinū  
Pneuma sub schemate columbæ portasti. Testari  
volebant exteri dulcem sibi fuisse Tuam præsentia-  
am, quando hanc sine felle volucrem pectori ap-  
penderunt. Quondam penes Tui STANISLAI  
corpus quatuor aquilæ excubias egerunt, penes Te  
columba excubat, sed quæ fulminum administras  
alites imitari didicit, in Apostolicos vertices rapi-  
dos de cœlo ejaculata ignes. Redux ex Gallia, ejus-  
dem

Eqves Mō-  
tis Pessulani  
S. Spiritus in  
Gallia crea-  
tus.



dem Equitis titulo insignitus in aula Serenissimæ  
 LUDOVICÆ aliquo tempore morabaris, donec  
 Divinus ille Spiritus sanctiorem vitæ statum Tibi  
 inspiravit, qvo feliciter arrepto inter Cano-<sup>à Serenissi-  
mo Ioanne</sup>  
 nicos Gnesnenses à Serenissimo JOANNE CASI-<sup>Casimiro</sup>  
 MIRO cooptatus es, utpote bonus odor Christi<sup>Canoniciatus</sup>  
 inter gentilitia Archidiœcesis Lilia; cum non ita<sup>ei.lem con-  
fertur.</sup>  
 pridem niveis ejusmodi floribus Gallia Te creavit.  
 Ita post floridum illud ver auream gratiarum messæ  
 in Iagellonico manipulo sperare poteras. Inter  
 Cathedrales Prælatos quidquid elocutus es, auro  
 dignum erat, forsitan hæc oracula edoctus ab admo-  
 ta pectori Tuo volucre, quæ loqvaciore illis in sylva  
 Dodonæa columbis, ignea Tibi loquebatur lingua.  
 Tandem inter aulæ Secretarios receptus ab eo tem-  
 pore judicijs Assessorialibus Regijs assidue exercita-<sup>Judicij Af-  
fessorialibus</sup>  
 baris, ubi graviora causarum momenta ponderosissi-<sup>Regis ad-  
movetur.</sup>  
 mo librabas ingenio. Quilibet reus fieri volebat,  
 ut à Te judicari posset; insons etiam pro nocentissi-  
 mo haberi exoptabat, quatenus tuâ sententiâ puni-  
 retur; adeoq; pro capitali crimine putabatur, coram  
 Te non accusari. Profuga semel è terris in cælum  
 Astræa gentilitiam Lunam pro astris habitura, post-  
 quam Te justitiæ arbitrum advertit, giganteo in  
 terras profilijt passu. Venenatas encuisti vitiorū  
 aspides, scelerum monstra fulminasti, ut jam non  
 cœlesti tantum libræ, sed etiam æqvitatib; bilanci  
 aculeatos scorpiones subesse constaret. Oculatissi-  
 mus lynx respectus ad Tui tersissimi candoris spe-  
 culum excœcatus periit: parem quippe animad-  
 versionem fecisti in auroplumatas chlamydes, atq;  
 in viliores lacinias, æqualiter clarum & obscurum  
 genus condignis mulctasti pœnis, si illas promeruit.  
 Et certè in hoc impolita debet esse justitia, ut perso-



narum acceptionem non habeat, urbana tamen hæc  
simplicitas, politica barbaries sine delectu judicare.  
Iniqua Themis est cui gigas excessus pumilio esse vi-  
detur, grandis elephas exiguus culex: minutior  
verò musca pro æripede tauro habetur, levis atomus

*Publicis in-  
tentus nego-  
tijs, rerum  
sacrarum le-  
ctionem non  
intermisit.*

pro monte reputatur. Ablegationibus dein Regijs  
& Commissionibus publicis intentus rerum sacrarum  
lectionem non intermisisti. Sapiebant Tibi Ber-  
nardi mella, placuit aurea

*Continuus  
in libris  
scholasti-  
cis revol-  
vendis,*

CHRYSOSTOMI eloquē-  
tia, melius non potuit vigilasse ad suam Clean-  
tes lucernam, vel ad accensum Aristophanes lichnū,  
quàm Tu ad ignitū cor AUGUSTINI, ejusdē versās  
volumina. HIERONYMI admotus pectori lapis  
ignitabulum Tibi fuit, quo flammæ excuteres ad  
continuam lucubrationem in revolvendis purpu-

*In concio-  
nando in-  
defessus.*

rati hujus Dalmatæ codicibus. Nullibi sine comi-  
tibus libris, seu domi, seu in via comparuisti. Ar-  
ctiorem longè captivitatem in Tuis manibus sen-  
sit, quàm metricis ligatus vinculis Apollo; duriorē  
sustinuit carcerem facundia toties subintrans dex-  
teram, quàm si aureo Herculis torqve catenata fu-  
isset. Quocunq; pergeres, Philosophica Peripatus  
Te sequebatur, deniq; omnis scientiarum encyclopæ-  
dia præsto semper adfuit avidissimo librorum hel-  
luoni. Inter tot curas & publica negotia pro san-  
ctioribus rostris disertus stetisti orator. Repercussā  
vocem templorum fornices & columnæ non he-  
ptaphonā echone, sed millies repetere volebant,  
ut iterum atq; iterum in aures numerosæ concio-  
nis influxisset. Ardentiùs verò perorans vix mor-  
tuum è sepulchris non movisti auditorē, pallidosq;  
manes ex suis assurgere fecisti mausolæis, ut curio-  
sius dicentem Te auscultassent. Vivos homines  
imota quodāmodo cadavera reddebas vivacissimo  
dicens



dicendi zelo, raptas illorum mentes ad Deum  
avocans extasi prorsus inaudita. Qvædam volu-  
ptas Te loquentem audiendi catenabat populi a-  
nimos, qvibus tota dies unicum videbatur mo-  
mentum, utpote nullam diuturnioris tædij mole-  
stiam paritura. Muti lapides, vel ipse suggestus  
ex quo verba fundebas, si linguam habuissent,  
obnixius Te rogassent, ut diutius svavi oris elo-  
quio personasses. Licet Pericles audiebaris in vi-  
tia detonans, libenter illis fulminibus qvilibet ca-  
put obijciebat, non ausus validæ tempestati palliũ  
excusationis obtendere. Veritas apud Te virgo  
intaminata permansit, qvia nunquam odium pe-  
perit. Veluti rapidus torrens ex montis superci-  
lio violenter cadentibus aqvis nihil intactum re-  
linquit, saxa & arbores in unum convolvens cu-  
mulum: ita Tu omnium mores, effrenatamq; in  
malum licentiam cenforiæ vocis oraculo tangebās.  
In aula Serenissimi JOANNIS CASIMIRI de-  
gens magnatum convivias fugitabas, vini potu ab-  
stinens, solâ contentus frigidâ, qvæ Falerno, vel  
qvovis Massico svavior Tuo arrisit palato. Ma-  
gis illachrymabantur suæ infelicitati qvàm aliàs sub  
veris initium putatorio cultro circumcisæ vites  
plorare solent, qvòd illarum liquor summis sal-  
tim labris à Te gustari non mereretur. Tristis ni-  
miùm Bacchus suum manibus abjecit thyrsum,  
qvia se despectum indoluit, iamq; bellum Ne-  
ptuno intentare volebat, qvòd ejusdem lymphæ  
majori apud Te in pretio fuissent, qvàm sui po-  
tûs dulcedo, nisi scivisset cornigeros huic Numi-  
ni militare fluvios, qvi suam cornibus asperatâ  
frontem minimè pertimescerent. Bene est, qvòd  
natum hunc inter fulmina Deum contempseris,  
H qvi



qvi mentis serenum amas. Pedestre illud Numē  
qvia fæmori Jovis inclusum, nunquam dignum  
capite, pedibus à Te debuit conculcari. Et jam  
veritati non absona Pòëtarum fictio, lunam dul-  
ces potare aqvas, ubi Te domestica Cynthia edo-  
cuit fonte levare sitim. Magnam æstimationem  
Tibi hæc conciliavit abstinentia apud Serenissi-  
mum Poloniæ Principem, Reginalemq; Majesta-  
tem, qvòd inter calentis pocula Cæcubi nusqvā  
comparueris. In aulæ freto Tuæ constantiæ cym-  
bam nemo titubantem vidit, qvia dolosas volupta-  
tum Charybdes, periculosasq; vitiorum Malæas  
procul evitasti, cum nec ad minutiolem scrupu-  
lum, nédum ad majorem scopulum impingeres.  
Tua agilis indoles feriari nec voluit, nec potuit,  
honestis semper occupationibus distracta. Au-  
reum tempus ferreis Tibi constabat laboribus,  
ideoq; illius pretium consumere noluisti. Hinc  
ab Illustrissimo ANDREA TRZEBICKI Episcopo  
Cracoviensi locuples beneficium curatum Tibi  
suo sangvini offerenti cum onere residentiæ ve-  
nerabundus non acceptasti, veritus desidem pri-  
vatæ vitæ inertiam. Enimvero capitalissim⁹ est  
hostis generosæ menti otium, qvia plurimorum  
vires enervat, fraudulenta Siren svavi vocis tem-  
peramento ferreum mortis conciliat somnum,  
sæpius effæminatas mentes non ad Omphales sta-  
mina cum magnanimo damnat Alcide, sed ad fune-  
stam Parcarum colum. Non passus es ILLU-  
STRISIME DOMINE Tuam ingenui-  
tatem arcto ignaviæ constringi nexu, qvia in con-  
tinuo motu cum patria Luna esse voluisti, irrequi-  
eto ad gloriam contendens cursu. Vnde ab utraq;  
Cancellaria non solum ad consilia adhibitus, sed  
etiam

*Constantia  
i. fracta, et  
evitatio*

*Beneficium  
curatum ab  
Illustrissimo  
Andrea  
Trzebicki  
oblato re-  
cusat.*



etiā expeditionibus concipiendis, & scribendis ac-  
 commodatus non vulgare capacitatis dedisti argu-  
 mentum. Optimè eqvidem ingenij Tui aciem  
 exacuere poteras penes PRAZMOVII Mucronē  
 ad Bisontis LESZCZYNII Verticem luculentiori  
 caput informare praxi, ad OLSZOVII Falces  
 auream sapientiæ colligere messem, penes candi-  
 da MICHAELIS PACII Lilia recentes pruden-  
 tiæ decerpere flores. Gratulabatur sibi signatoria  
 Regni Aquila, quòd à Te conscriptis imprimeretur  
 paginis, illasq; ambabus alis complexa tenaciùs  
 stringebat, & certè sine manuum appensione  
 doctiorem chartam involasset, nisi eandem Can-  
 cellarij, vel Procancellarij dextera pressius tenuisset.  
 Noluit sigillatoria ales solem aspicere, WITVI-  
 CIANI Sideris contenta lumine, quod inconnivā  
 haurire pupillā eòusq; non destitit, donec in aliud  
 commigraret hemisphærium. Libenter & armatus  
 Litvaniæ Eqves Tua manu exaratis inhæsit mo-  
 nimentis, & qui citato cursu volantem ad laure-  
 as detorquet Pegasum, propter Te molliori sigilla-  
 tricis ceræ compede ligari voluit, ne ulterius pro-  
 gredi posset, Tuam indolem pro terminali me-  
 ta habiturus. Tandem successu temporis à I O-  
 ANNE CASIMIRO Legationis Brande-  
 burgicæ: Lunemburgicæ, Danicæ, Svecicæ Secre-  
 tarius designatus, verso in Polonia rerum statu à  
 Serenissima LUDOVICA ab itinere revocabaris,  
 quòd majoris usus in patria habereris. Versata  
 in omnibus dexteritas ad longinqvos orbis trio-  
 nes amandari non potuit, quā domestici egebant  
 parietes, non expediebat tantam ingenij veloci-  
 tatem peregrino exponere soli, quam illustria Sar-  
 matix sidera magis reqvirebāt. Denuo Secretariatu

*In utraq;  
 Cancellarij  
 expeditioni-  
 bus concipi-  
 endis & scri-  
 bendis ac-  
 commodatur.*

*Legationes  
 varias obijt  
 à Serenissi-  
 mo Ioanne  
 Casimiro ad  
 eandem de-  
 putatus, sed  
 à Serenissi-  
 ma Ludovi-  
 ca ab itinere  
 revocatur.*



*Secretarium agit Legatus magnus in Gallias, ubi à Rege Ludovico Magno aurea donatur catena.* functus es Legationis magnæ in Gallias, ubi Tuam activitatem feliciter regnâs LUDOVICUS Magnus multis cumulavit favoribus (cui antea non ignotus) eras degens ad aulam Principis à Conde) donato numismate aureo cum ponderosa catena, ut novus extra Romam compareres Torqvatus. Rapuisti cor & affectum regalem Tuis egregijs dotibus, ac proinde violentus animi raptor in hæc vincula cõijci merueras, non frigida accendisti dictione LUDOVICI animum, ideòq; similes pedicæ imponi debebant captivando incendiario. Nimiùm grassabatur non jam ad latus Regium, sed in ipso pectore Tua submissio, quapropter ob violatam securitatem simili nexu ligari debebas, à Serenissimo Sole accensam amoris facem reportasti domum redux Prometheus, meritò igitur ad Parisiensis Regiæ Caucasum fortiori catenâ adstringendus eras. Multi peregre suscipiunt iter, non ut aliquid novæ indolis imprimant animo, sed ut proprium decoquant ærarium, extra patrios limites aureo vehuntur asello, ut pedestres redeant: Tu & peregrinas politiei merces in domestica limina invexisti, & tam nobile Christianissimi Regis congiarium asportasti. Cedente postea fati LUDOVICA, & throno decedente IOANNE CASIMIRO, singularem illius meruisti gratiam, ut à Te literariam ex Polonia in Gallias desideraret compellationem. Certatum est utrinq; mutuo calami officio, & sufficientis votorum Principis coronamento, quousq; fatali incineratus busto non occubuit. Ausim dicere in posthumis CASIMIRI cineribus diu vixisse ardentis erga Te amoris scintillas, imò læsum Tui affectus telo in sepulchrali marmore scripsisse indelebile propensionis argumentum.

SPLEN-



# S P L E N D O R

EX MONIMENTIS MANUSCRIPTIS, & PRU-  
DENTIA IN DANDIS CONSILIIS

ILLVSTRISSIMI PRÆSVLIS.

**P**Otentissimum est lingvæ & calami imperi-  
um; qvia ad deditionem cogit rebelles ani-  
mos, ambulatoriæq; hominum voluntati  
capistrum imponit. Unica penna grandem san-  
gvinis cataclysmum sistere potest, cui arcendo ex  
numerofis cadaveribus congesti aggeres non suf-  
ficiunt. Flexanimis svada sæpius jubet Gradivū  
laurigeras post bella secures pacatâ gestare manu,  
Latiâq; micantem lorica mutare togâ. Sæva  
Martis classica unicus obturat calamus, hiantes tor-  
mentorum rictus obtundit, scintillantes hebetat  
gladios, quidquid demum factu impossibile ma-  
gnam difficultatem involvere potest, totum id  
facundi oris doctæq; manus robori omninò cede-  
re cogitur. Utroq; Tu ILLUSTRISIME DO-  
MINE excelluisti, & lingvâ, & calamo celeberrimus,  
hocq; non alio motivo sub tempus Electi-  
onis invitatus es ab Archiepiscopo Interrege ad  
assistentiam sui, ubi inoffenso stetisti pede quin-  
que lingvarum expeditissima gaudens varietate,  
publicis commissionibus, cum Legatis externorum  
Principum peraccommoda: plura Tuo ingenio  
concinnata legere fuit manuscripta, quibus  
Polonam gentem informabas, de qualitatibus,  
capacitate, & conditione candidatorum, tanqvā  
versatus in rationibus statûs Europæorum Princi-  
pum. Qvilibet veluti in speculo videre poterat  
qvalificatam indolem Poloni diadematis compe-  
titorū

*Illustrissimi  
Præsulis ma-  
nuscripta in  
formantia  
Polonos de  
qualitate,  
capacitate,  
& conditio-  
ne Candi-  
datorum.*



titorum, non erat opus aliunde documenta habilitatis conquirere, quia luculenter eandem Tua circumscripsit instructio. Uude ambigebatur ab externis, an Tuus calamus penitissima quæquæ expresserit, an suæ gentis curiosior penna? nullo tamen se mancipari voluit tam industrii scriptoris manus, nisi patriæ; adeo, ut nec nummariæ tentationes prævaluerint, quamvis uti foro angustior fortuna svaderet. Sereniori Tuo animo aurea tempestas nubem obtendere non potuit, evanidum illud splendidioris metalli fulgetrū & pretiosus imber sudū mentis minimè conturbavit. Crediderit sanè superstitiosa antiquitas ad æris tinnitum lunæ ecclypsim cessare: Tua ILLUSTRIS-SIME PRÆSVL Cynthia auri sonitu non indigebat, quia nunquam passa est deliquium. Forfitan ne plura scripsisses, ad Sarmaticam coronā anhelantes animæ ditiores Tagum effuderunt, cui doctiorem pennam intingeres, verum sua spe frustrati virilem in Te constantiam stupuerunt. Sculptæ in pecunia aquilæ, & ensiferi leones frustra argenteis unguibus Tuum pectus fodicare tentabant, quia adamantinum invenēre. Verius dixerim, præ magno timore expalluit aurum, verebatur enim Tuos incurrere obtutus, qui eiusmodi inanias despiciunt. Maluisset tunc dives Plutus abditissimis terræ visceribus occultari, quam in Tuis oculis rubore suffusus comparere. Tandem Serenissimus MICHAEL ad Regalem thronum inauguratus intimioribus Te annumeravit, eò quod multis rationibus conscriptis indigenam Regem persuaseris, & fatidico spiritu prædixeris eidem dotale sceptrum, eo respectu, quia recordatione paternæ gloriæ, maternæq; probitatis carior

*Generositas  
eiusdem in  
contemnen-  
dis corrupti-  
onibus.*

*Serenissimus  
Michael in-  
timioribus e-  
undem admi-  
sit.*



carior fuisset civibus, & externis candidatis securi-  
 or, quorum studia armata cernebantur. Neq;  
 minus affectum Principis Tibi illud conciliavit,  
 quod Procancellarius Regni OLSZOVIVS statim  
 post electionem inter cætera consilia, hoc etiam  
 Serenissimo MICHAELI propinavit, ut ad per-  
 discendam artem militarem uteretur operâ Gene-  
 ralis VRANGELLII tunc in Polonia præsentis,  
 & Generosi BIELINSKI Ensiferi Regni, ad histo-  
 rias verò & rationes statûs, tum ad elegantio-  
 rem eruditionem Te ILLVSTRIS-  
 SIME ANTISTES adhiberet, crebriusq;  
 philosophantem de rebus auscultaret.  
 Communicaverat Tibi OLSZOVII  
 consilium Poloniæ Princeps, & multoties Tuæ  
 lingvæ secutus oracula, ex voto sibi omnia fluere  
 agnovit, donec à majoribus ad alia impelleretur,  
 quorum postea persuasionib; non sine viscerali sin-  
 gultu indoluit, Tibi sæpius hæc insinuans: quàm  
 melius fuisset mihi Tua consilia non violenta  
 tenere. Pene convenit KORYBVTEA Luna cum  
 WITVICIANO Sidere, quod suâ instructum Sa-  
 gittâ jure merito Apollinis arcum appellaverim.  
 Adeòq; WISNIOVIECCIORVM Cynthia do-  
 ctioris Tuæ Minervæ noctuam suis recreabat ra-  
 dijs, ut inconnivâ eandem spectaret palpebrâ.  
 Fæcundus sapientiæ fons esse debueras, ex quo  
 suas scaturigines regalis hausit corona; plenum  
 oleo caput habuisti, à quo unctus Domini non  
 modicam derivavit doctrinæ portionem. Quê-  
 libet judicij Tui sensum Serenissimus MICHAEL  
 sua ponderavit bilance, quia meliori librâ non  
 poterat examinari, quàm Angelicæ insertâ manui.  
 Nec mirum, quod coronatæ mentes subditorum  
 opinioni adhæreant, cum & solem non pudeat

Andreas Ol-  
 szowski Ar-  
 chiep. Gnes-  
 navit Sere-  
 nissimo Mi-  
 chaeli, ut ad  
 rationes sta-  
 tus discere-  
 das Illustris-  
 sime Episcopi mo-  
 derni inge-  
 nium adhi-  
 beret.



minorem sequi auroram, ad exiguum magneticæ  
 acûs indicem ingentes flectuntur onerariæ, ad  
 parvi rudentis directionem magnæ detorquentur  
 triremes, vix apparentem ignis scintillam gran-  
 de comitatur incendium. Ab ore Tuo pendebat  
 Poloni Orbis Monarcha, egregia sub tanto capite  
 appendix, tenaciùs ferrum suo non adhæret ma-  
 gneti, aut stipula attractivæ succini potentiæ, quã  
 Tuis gravioribus effatis regale arbitrium. Inviola-  
 tam eidem Principi servasti fidem, non Te immi-  
 scens vertumnæ aliorum mutabilitati extra sphærã  
 activitatis. Non mutavit Tua luna colores, nec  
 rubicunda erat; quia non habebat quod erubescere-  
 ret: nec pallida; quia de minima diffidentia nota  
 non timuit: alba tantummodò emicabat penes ni-  
 veum candorem. Scivit æstimare Serenissimus  
 MICHAEL Tua talenta Illustrissime PRÆSUL,  
 suspexit raram in omnibus prudentiam Serenissi-  
 ma ELEONORA, à quibus ad Augustissimum Im-  
 peratorem LEOPOLDUM missus, quàm egregiè  
 hanc Spartam colueris, Invictissimi Cæsaris com-  
 probavit effatum, quòd scilicet habueris dotes  
 magnis pares negotijs, æquivalentemq; statui pu-  
 blico peritiam. Princeps Imperij aquila gratissi-  
 mum Te hospitem complois salutavit alis, intra  
 circulum Austriacæ Fasciæ claudere volens, ne in-  
 dè in patriam commigrares. Tota Cæsaris aula  
 diu in Te defixos tenuit oculos, & jam quilibet  
 spectator Argus esse volebat, ut centenas pupil-  
 las Tuâ præsentia fatiare voluisset. Fremebat  
 hominum undante tumultu superbum augustal,  
 & veluti mussitantium in suis alvearibus apum au-  
 diebatur murmur, undiq; confluebant aliorum ca-  
 tervæ, ut Tuæ salutationi attentas aures accom-  
 modas

Legato mit-  
 titur ad In-  
 victissimum  
 Imperatorem  
 Leopoldum.

Tota Cæsaris  
 aula stupuit  
 legati inge-  
 nium.



modassent, unus supra alterum in gigantem crescere optabat, ut Te saltim vidisset. Sed non ipse tantum Imperator desideratissimo advenæ reseravit cordis sui arcana, sed quacunq; tandem inter Pannoniæ juga discederes aureis prægnantes metallis montes pretiosa Tibi pandebant viscera, ut Tua vestigia deaurassent. Et hæc est magnorum virorum gloria, ut non stagnans illorum domi indoles totum circumfluat orbem, imò alterum mundi globum cum Macedone exoptet, in quo liberè possit exspatiari. Præmaturis abrepto fatis MICHAELLE, iterum Respublica ad triste redacta iustitium, post obumbratos funesta eclipsi KORYBUTEI sideris splendores, novam expectat serenitatem. Commodius tunc theatrum nactus bene merendi de Republica, frequentibus scriptis demonstrasti, illum debere Poloni dominij flectere habenas, quem supremum Numen ceu digito ob Chocimensem victoriam dignum sceptro ostendit, nempe Serenissimum JOANNEM III. feliciter regnantem. Meruerat certè & Tuo, & omnium iudicio regalem thronum eo temporis Dux invictissimus, cui resectæ hostium cervices ad illud fastigium sternebant gradus. Ipsa barbarico cruore subscripsit iustitia non alteri deferendam regnandi successionem, nisi illi, quem tot trophæa illustrarunt. Non erat opus magnos ad sceptrum quærere candidatos, cum nemo major IOANNE surrexit. Non arundinem ille vento agitatam, sed fortissimum Scipionem egit, qui tam sub ferrata casside, quam sub regio diademate minimè nutaret. Nimium confisi suis viribus Scythæ per agros Poloniæ palabantur, sed ad Komarno exiguos hosce culices fatis erat unico percussisse talitro. Iterum ad Zorawno



in clamorosos degeneraverant grues, rati Pygmæ-  
am Polonorum fuisse virtutem, verum Gigantē  
vel in nomine IOANNIS experti Serenissimum  
Principem, turpiter cæsi occubuerunt. Tota in  
lauros eviruit sylva magnanimo Triumphatori,  
in vernantem Majum mutato Novembre, post in-  
gentem Thraciæ cladem. Audiit orbis Lechicus  
in illo nemore sub pelle ovina ululantes lupos,  
suæq; adgementes infelicitati. Volatiles barba-  
rorum copias vox clamantis in deserto prius e-  
xanimavit, quàm gladius. Nec gratis timore con-  
sternati Bistones ad illud nucetum confugerant,  
nimirum lacte equino enutritis pusionibus pueri-  
les tractandæ erant nuces, non bella cum Polonis  
gerenda. Non humile fuit scabellum & luna O-  
tomanica ad regale folium Serenissimo Principi,  
quæ ubi gentilitium Podoliæ solem sua interposi-  
tione ecclypfare volebat, ipsa defectum lucis pati  
debuit. Depressa Housseimi cervix ascensum præ-  
buit ad supremum Sarmatiæ culmen animoso Vi-  
ctori, totq; Gelonorum acervi dignum coronâ ex-  
tulerunt caput. Unde non immeritò Tua illa  
Apostrophe ILLUSTRISIME PRÆSUL ad  
Principes candidatos in quatuor lingvas traducta  
& impressa dehortabatur regalis sceptri compe-  
titores, qui per ætatem, vel per fortunam impa-  
res tantæ moli humeros supponere attentabant,  
ut potius capaciorem sustentandum hoc onus cede-  
rent, nî ipsi succumbere vellent: quo Serenissi-  
mum Regnantem Tuus insinuabat calamus. Plu-  
rimum ad hoc contulit Tua industria, né Piaustus  
excluderetur in Convocatione sub tempus inter-  
regni facta. Luculenter demonstrasti id esse &  
genti Polonæ inglorium, si suos Cives sceptri  
inca-

*Turci re-  
rtati tri-  
mphi gra-  
m fecerūt  
regalem  
ronum Se-  
niss. Prin-  
ci.*

*postrophe  
Principes  
andidatos  
ustrissimi  
resuls in  
atuor lin-  
as tradu-  
a, & im-  
essa.*



incapaces declararet, erratica per orbem circū-  
 ferens vota. Et certè non indiget nostra Polonia  
 mercenario ad coronam vertice, cū tot capita  
 domi habeat, in quibus millenarum ferax sollici-  
 tudinum reclinet pondus. Neq; expedit, ut sub  
 frigido Septētrione exotica pectora aureum cale-  
 faciat vellus, patriæ civibus consecrandum. Mul-  
 tū derogat domesticæ gloriæ adventitia ma-  
 jestas, quasi extra tantū capax dominij detur in-  
 doles, hīc verò neminem reperias, qui sciat im-  
 perij flectere habenas. Electo tandem Serenissi-  
 mo IOANNI III. quā ore, quā calamo fideliter Electo tan-  
dē Sereniss.  
Ioanni III.  
quā ore, quā  
calamo in-  
seruit.  
 servivisti, anteqvam regali coronæ emeritum sup-  
 posuit caput. Et verò ferreus fuisset, qui in hu-  
 iusce Principis sinum tenerrimos tunc effundere  
 affectus detrectasset, qui tot illustribus ad solium  
 prælusit triumphis. Omnium merebatur obsequia  
 tanti Monarchæ autoritas, cuius præmiandæ vir-  
 tuti nihil præterquam sceptrum suffecisset. Tra-  
 xit Regis animum Tua fidelitas, ut multis in Co-  
 ronatione de Regentia Cancellariæ Regni con-  
 currentibus, Te rude donasset, adjecto de capaci-  
 tate ingenij non humili elogio. Id ipsum Archi-  
 præfuleus OLSZOVII approbavit sensus, dum ju-  
 diciū ferret de illis, quos ministerij sui habuit  
 cooperatores, uti ejusdem datum Tibi encomiū  
 extat in impressæ orationis serie in hæc desinens  
 verba: Plus mentis, quā carnis habet. Regens Regens Cā-  
cellariæ Re-  
gni factus, u-  
trosq; Can-  
cellarios per  
atatem di-  
strahtos in-  
vit.  
 Cancellariæ factus, utrosq; per ætatem distractos  
 Cancellarios iuvisti in magnis expeditionibus,  
 tam ab extrā, quā ab intrā, nomine Principis,  
 & illorum publica tractans negotia. Ad phœni-  
 cis raritatem accedit, totum id proprii ingenij vi-  
 ribus præstare, quod summa Reipublicæ capita nō



sine improbo labore exequi possunt. Lacertofus  
nimium debet esse Alcides, qui pro tantis Atlan-  
tibus vix humanis ferendam humeris sustentet  
molem. Magna sanè industria illam difficultatū  
frangere glaciem, quam vix honorariæ dominan-  
tium rumpunt secures. Non cuilibet rodendam  
hanc nucem porrexeris, nisi acrius habeat ingeni-  
um, quam dentes. Multi sub parvo etiam su-  
dant pondere, quid, si major eosdem opprimat  
farcina, in flumen cum Marfya propemodum  
colliquantur. Tibi verò **ILLUSTRISSI-  
ME ANTISTES** levius videbatur onus gra-  
vissima causarum momenta summi iudicii pon-  
derare bilance, quæ Regalis tantum sensus libra-  
mento, vel Cancellariorum opinioni examinan-  
da proponebantur. Inter præcipua activitatis  
Tuæ opera illud vel inprimis censendum, quòd  
Gedanensium Civium motus Te singulari instru-  
mento Serenissimus **PRINCEPS** composuerit.  
Insana fæx densioribus effusa cuneis, emotas suis  
cardinibus templi fores effregit, Divorum ima-  
gines armis impetiit, altaribus violentas injecit  
manus, sacram supellectilem convulsit, aris devo-  
ta pectora vulneribus affecit, & quod maximū,  
Numen specie panis velatum pedibus conculcavit.  
Hem qualiter animæ nostræ vehiculum, an verius  
circularis rota per terram volvitur! cibus gran-  
dium cæno oblitus non apparet! manna abscondi-  
tum in humido invenitur. Ad tam enorme scelus  
Carmelitanæ stellæ lugubri indutæ cultu squalle-  
bant, sublimiorq: Carmelus triste deflexit caput,  
quasi indolere voluisset Divino contemptui. Ite-  
rum fortasse igneo raptus curru Elias ad tam  
immane spectaculum abscesserat, quia flammeo  
mucro-

*Ex brachio  
Serenissimi  
Regis mis-  
sus, Geda-  
nensem tu-  
multum co-  
posuit.*



mucrone vefanam populi colluviem non propul-  
 savit. Hiantes in facris iconibus plagæ vindictam  
 ad cœlum clamabant adversus lymphaticos hostes,  
 quorum effrenata rabies aliter satiari non poterat,  
 nisi grandi illo Superum despectu. Auro imbra-  
 cteatæ Sanctorum effigies ferream volebant indue-  
 re cataphracturam, ut fanaticæ plebis impetum  
 frangere potuissent; hastis, vel acinacibus armatæ  
 statux vix jam ligneas non libraverant manus, pro-  
 fanatum DEI honorem vindicaturæ. Tota Polo-  
 nia altis adgemuit suspirijs tam improbo facinori,  
 multis vix non effluxere in lachrymas eliquatæ pu-  
 pillæ: Orthodoxæ fidei inflictum vuln<sup>9</sup> plurimorū  
 tetigit pectora, maximè tamen Serenissimi PRIN-  
 CIPIS cor penetravit, qui Scuto bonæ voluntatis  
 suæ omnia coronans, non sivit infame adeò scelus  
 impune abire, ubi Te ILLUSTRISIME ANTI-  
 STES ad refrenandam heterodoxorum licentiam  
 primarium vindicem destinavit. Et jam terna  
 Crux Dantisco pro stemmate data in tridentē tunc  
 abiit, quo sanctior Neptunus furentes fluct<sup>9</sup> domu-  
 isti. Post illam tempestatē grata videre fuit halcy-  
 onia, ubi Tu ventosæ plebis Æoliā solidæ persva-  
 sionis conatu refrenasti. Adeòq; Tuæ Lunæ semi-  
 circulus suā instruct<sup>9</sup> sagittā in arcum pacis degene-  
 ravit à sole sub nube panis abscondito refractum,  
 postquā vindicias sumpisti irrogatæ eidē à Luthe-  
 ranis injuriæ quorum impensis erectio Catholicæ  
 Capellæ stetit in ipso vrbis meditullio. Turbidæ  
 etiam Grodnensiū Comitiorum procellæ ad svavē  
 reductæ malaciam Tibi plurimū debent, quia Tuis  
 sedatæ cōsilijs quieverūt. Scivisti Tu svaviori elo-  
 quio dissidentes catenare affect<sup>9</sup>, ut unanimi consē-  
 su in boni publici emolumentum conspirarent.


*Grodnensi-  
 um Comiti-  
 orum tur-  
 bulentiorē  
 statim  
 ad malaciā  
 reduxit.*

L SPLEN.



# S P L E N D O R

EX COLLATO EPISCOPATU KIIOVIENSI,  
ET LUCEORIENTI ILLUSTRIS: PRÆSULI,  
in quo Pontificiæ virtutes elucebant, maxi-  
mè verò zelus in persuadenda unione ar-  
morum Polonis cum Augustissimo  
IMPERATORE LEOPOLDO,  
quæ omnia ad POSNANIENSEM INFULAM  
illi gradum fecerunt.



Daltos dignitatis gradus pedetentim  
tutius itur, quàm volatur. Nimirum  
ceræ ambitionis alæ ad illustrioris ti-  
tuli solem quò velocius eluctantur, eò  
citius diffluunt, né in altum evolent. Lubrica  
ad honorem via citatiorem fallit gressum, & nisi  
suspensio gradu hæc glacies teratur, multis in me-  
dio cursu casum accelerat. Inane equidem labo-  
ris irritamentum, uno vel altero passu velle attin-  
gere celsioris Olympi supercilium, quò non levi  
anhelitu diutius omnino tendendum. Violenti  
invasores si non præmeditato conatu atria honoris  
irrupunt, cum pudore à fortuna exturbantur, vel  
potius turpiter eijciuntur. Optima Tua ad hono-  
rarios fasces gradatio ILLUSTRIS ANTI-  
STES, quia non præceptis Tibi animus sensim pe-  
tere summa didicit, non humile suæ moderati-

*Episcopus  
Kijoviensis  
factus, ad  
tractatus  
Moschovi-  
ticos appli-  
catur.*

onis nactus coronamentum, videlicet Episcopa-  
tus Kijoviensis Infulam. Vix in Senatoria con-  
sedisti curuli, statim applicabaris à Serenissima  
Majestate ad tractatus Moschoviticos, ad confe-  
renti-



rentias cum Nuntijs Apostolicis, Imperialibus, <sup>ad conferē-  
tias cum Nū-</sup>  
 Gallicis, Sveticis, Brandenburgicis Legatis. Ita <sup>ty's Apostoli-  
cis, & Impe-  
rialibus Gal-</sup>  
 namq; svaviter commissa Tibi negotia cum iisdē <sup>lien, Sveti-  
cu, Brande-  
burgicu Le-  
gatu.</sup>  
 pertractabas, ut satis mirari non possent Tuæ di-  
 ctionis gravitatem, resq; arduas in momento per-  
 stringentem industriam. Deputatus à Serenissimo <sup>Deputatus à  
Rege Sere-  
niss. ad redu-  
cendos in gre-  
mium Eccle-  
sia Episcopo  
& Abbate  
Ruthenos  
il ipsi sunt fr-  
liciter efficit</sup>  
 Rege ad reducendos in gremium Ecclesiæ Episco-  
 pos, & Abbates Ruthenos, multum laboris impen-  
 disti, qvā demonstrationibus, qvā exhortationib; <sup>sia Episcopo  
& Abbate  
Ruthenos  
il ipsi sunt fr-  
liciter efficit</sup>  
 prosperante Tuos conatus Numine, ut in irritum  
 nunquam cesserint. Interventu namq; Eminen-  
 tissimi nunc Cardinalis Apostolici NUNTII,  
 Illustrissimi Episcopi Varmiensis, & Illustris-  
 simi Palatini Russiæ eò res deducta, ut Leop-  
 liensis, Premisliensis, Haliciensis, Camenecensis,  
 Episcopi Rutheni sanctæ unioni subscripserint, cō-  
 stanter hucusq; in eadem durantes. Egregiè sanè  
 gentilitius Eminentissimi Pallavicini Crebrifurus  
 extra ovile Christi aberrantes oves in una clausit  
 mandra. Sbaşciana Fascia optimè ligavit di-  
 scordes animos. Jablonovij falx culmum non  
 expectans, in herba malum succidit. Favorabilis  
 Tuæ Lunæ radius caliginem mentis illis tenebrio-  
 nibus dispulit, ut clariùs fidei lumen viderent.  
 Tandem ad Cathedram Luceorensem evectus in <sup>Episcopatus  
Luceorensis  
ei tem cofer-  
tur, ad quem  
Nominatus  
existens sa-  
crum fa-lus  
concludendū  
persuadet.</sup>  
 in eo vel maximè eluxisti, qvòd in defesso conatu  
 laboraveris circa sacrum fædus concludendum, cui  
 rei testimonium non modò Sacræ Regiæ Majesta-  
 tes dederunt, verùm & Eminentissimus CARDI-  
 NALIS NUNTIUS, Legatiq; Imperatoris. Opti-  
 mus Orator, qvia ferro rigentem ad castra movisti  
 auditorem. Itum est Viennæ in suppetias, qvæ  
 obsidione cincta diu fulminales sustinuit machi-



*Suppetiæ  
Viennæ fe-  
runtur, cu-  
ius expugna-  
tio descri-  
bitur.*

nas, validosq; Turcarum assultus. Mœnibus clausi incolæ frigebant penes ferreâ grandinem insolito congelciati metu. Pyrio pulvere prægnans tellus igneos fætus edidit, qvî vix nati, & jam in magnificis ædibus liberè grassabantur. Verius dixerim nitratum Mulciberem ex suis cuniculis terræ vomitorium dedisse, qvòd ingentem adeò illi nauseam movit, ut crebris ejectionibus viscera etiam effundere cogeretur. Adfuit tum molesta tor-

*Defensores  
Viennæ eâ-  
dem obsidi-  
one liberât,  
hoste profli-  
gato.*

mina passæ Civitati Inviçtissimus LEOPOLDUS, cum Serenissimo JOANNE Rege Poloniæ Potētissimo, Maximiliano Electore BAVARO, CAROLO Lotharingiæ Principe, Duce Saxonîæ bellicosissimo. Viennam caput Austriæ vix non crepans præ magno dolore (qvamvis Austriacâ optimè stringeretur Fasciâ) colligatio armorû perfanavit. Profligata barbaries egregijs Triumphatoribus ad plantas corruit, in uberem solutus fletum Vesyryus fugam adornavit, dolens qvòdammodo, qvia pulchro sociatos fædere victores non adoravit. Sepulta feralibus bustis urbis pomæria mæstos excussère cineres, ignitis dolonibus conquassatæ turres insolenti tremore febricitare desierunt; novo lætitiæ plausu templorum statuæ risere, qvæ non pridem inter flammaram æstus liquefcentes aureis argenteisq; lachrymis suam videbântur sortè deplorare: Divorû delubra fumoso nigricantia peplo festiviorem induerunt vultum, ubi refractis à Serenissimi Poloniæ Monarchæ Umbone radijs illustrata atram deposuère fuliginem. Ad

*Ad Strigonium par-  
tim cæsa,  
partim Da-  
nubio hausta  
barbaries.*

Strigonium qvòq; Tauricanæ gentis robur militis nostri hastifragio convulsum turpiter concidit: hausta Danubij fluctibus barbarorum colluvies suæ temeritatis pœnas lugebat sub aquis. Tuus dicendi

fer-



fervor ILLUSTRISIME ANTISTES Polonorum  
 accendit pectora, ut junctis viribus capitalissimum  
 Christianæ fidei hostem profligarent. Feliciter  
 effecisti, ut Sarmatica ales Imperiali sociata A-  
 quilæ, Orientales struthiones Scythicasque harpy-  
 ias falcatis ungvibus discerperet. Tuam Pastora-  
 lem curam in Episcopatu Luceorienſi exoculatus  
 etiam livor suspexit. Unum adamavit luna Endi-  
 mionem, qui alto semper gravatus somno sterte-  
 ret: Tua Cynthia vigilēs tantum amat animas,  
 inter quas & Tu vigilantissimus Custos numeraris.  
 Nemo unquam somnolentus bene gubernare potuit,  
 nam ejusmodi rectores non hominum capita, sed  
 papaverum esse putantur, quæ alijs etiam sopori-  
 ferum propinare sciunt, ne insomnes agant excu-  
 bias. Excussisti aut potius expunxisti soporem ge-  
 mina cuspide bicornis infulæ oculatissime Pastor,  
 inconnivā prospiciens palpebrā gregis sui inde-  
 mnitati. Rapaces lupi timebant invadere Christi  
 ovile, quia Te perspicacissimum lyncem adverte-  
 runt. Exantlatos à Te labores in illa Diœcesi quis  
 supputare audeat? illā Cleri reformationē suavissi-  
 mis institutā modis, Diœcesanā Synodū Brestæ ce-  
 lebratā, editos in lucē libros pro utilitate sacerdo-  
 talis & sæcularis statūs, quorum alij raram ingenij  
 subtilitatem comprehendunt, alij irrefragabilem  
 complectuntur veritatem. Ita Ezechielī adaman-  
 tinum os ipsoque durius filice datum desuper sacra  
 ostendit pagina, ne scilicet mollia loqueretur, aut  
 sericea verba proferret. Illæ Tuæ institutiones Ca-  
 techeticæ, & Antidotum Sarmaticum contra per-  
 niciosas Cleri cuiuspiam novitates, Grammatica  
 Christiano-politica, Orationis Dominicæ Com-  
 mentaria, obligationes omnium statuum, Deline-

*Vigilantissimus in sua  
 Diœcesi Pa-  
 stor.*

*Suavissimis  
 modis Cleri  
 reformat.*

*Brestæ Diœ-  
 cesanā Syn-  
 odum con-  
 stituit.*



atio vitæ temporalis inter umbras humanæ di-  
 splicentiæ. Non indigebas furrogatorum operâ  
 totam Diœcesim in Tua visitans Persona, totq; in  
 locis pro sanctiori suggestu disertè perorans. Si  
 op<sup>9</sup> erat inter mella facundiæ penetrabiliores ver-  
 borum aculeos vibrasti in depravatos hominum  
 mores. Quid enim loqvaces in Dodonea quercu  
 columbæ efficient sine felle? interdum adversus  
 insolentes bilis movenda, contra malitiam ful-  
 minibus subinde detonandum. Nemini ordinan-  
 do præproperè manum imposuisti, anteqvam de  
 vocatione ad statum spiritualem probè conscien-  
 tiam, & scientiam perpendisses. Et certè non cõ-  
 venit muta altaribus admovere idola, aut pulchri-  
 oribus spolijs ornatos sine capite truncos. Super-  
 stitiosa tantum antiquitas penes Deorum delubra  
 redimitos coronis statuebat iuvenços; at verò sa-  
 cerdotale ministerium coronatos boves longè ab  
 aris removeat necesse. In stabulo tantum infans  
 Deus famulantem sibi asinum habuit, sed non ad  
 altare. Alta hæc mysteria nemini concedenda, nisi  
 cum JOANNE totum deglutiat volumen, verè  
 librorum helluo dicendus. Quid ultra memorè?  
 quàm intrepidus assertor statûs Ecclesiastici exti-  
 tisti, præsertim Episcopalis dignitatis, Sanctæ Se-  
 dis Apostolicæ ardentissimus zelator, dicto scri-

ptoq; approbante Tuas fidei defensiones summo  
 Pontifice INNOCENTIO XI. feliciter moder-  
 no, quæ toties in exteris sunt reimpressæ, nec ab  
 adversarijs refutatæ. Quàm dextrè hæreticorum  
 dogmata potentibus argumentis confutasti, vel e-  
 tiam perturbati capitis mirabiles chimæras aut  
 hirco cervos elusisti. Neq; illud silentio premere  
 licet, quot & quantos patronos à Serenissimo Ele-

ctore

Visitat ipse  
 Diœcesim,  
 & concio-  
 natur.

Ordinandos  
 examinat.

Fidei defen-  
 siones Illu-  
 strissimi Epi-  
 scopi multo-  
 ties in exte-  
 ris reim-  
 presse. &  
 à summo  
 Pontifice  
 Innocentio  
 XI. appro-  
 bata.



ctore Brandenburgico habuerit fanum Wegroviense <sup>Fanum Wegroviense à periri non permittit.</sup> Lutheranicum & Calvinisticum, ut Tuo consensu recluderetur, nullum tamen sortitæ effectum instantissimæ eorundem preces, quia A catholicam Ecclesiam sub clausura tenuisti. Bene eqvidem antrum illud septicipitis hydræ (hæresis inquam) referare vetasti, né contagiosa peste afflaret fideiū pectora; optimè basiliscum hunc in spelunca sua delitescere fecisti, né venenosa oculorum luce intoxicatos homines enecaret. Nonné evidens est argumentum irrequieti Tui laboris, quòd una die ter mille hominibus Confirmationis Sacramentum contuleris, nosocomia & publicos carceres <sup>Nosocomia & carceres visitat, largas in egenos profundens elemosynas</sup> sæpius visitaveris, non sine consolatione incarcerationum, ubi tot egenis veluti querulantibus cadis aureum munificentiae rorem propinasti. Præceps Tua manus fluvios superabat Iberos aurea <sup>Claudianus</sup> dona vomens. Nemo à Te recessit, quin se beneficijs obæratum agnosceret. Addensatæ mendicabulorum cohortes ceu apum examina circa Te mustitabant, quæ dulces profusæ liberalitatis favos nunquam exfluxisse potuerunt. Magis profectò liberalem credo, qui pluribus, quàm qui plura largitur. Præterea in recusandis dignitatibus Tua modestia ut plurimum reluctet, nam ad Sigillum Regni à Serenissimo Rege <sup>Sigillū Regni à Serenissimo Rege sibi collatum recusat</sup> ternis vicibus palam designatus, alijs honorem, Tibi obsequium erga Principem eligere maluisti, imò à Sacra Majestate secretiori vocis oraculo ad eandem Regni Signaturam sollicitatus, reverenter huic oneri humeros subtraxisti, testatus Regis Regum ministerium debere Te omnibus alijs antepondere, maximè verò cum sat curis Senatorijs, sæcularibusq; negotijs ad quadragessimū



septimum ætatis annum satis naviter insudaveris. Alio Te Divinior spiritus avocabat, ac proinde cœlestem hanc Columbam pro signatoria Aquila corde non manibus tractare volebas. Ita parum est cupidine titulorum non arsisse, sed ne frigidus passu ad eosdem progredi decumanum omnino opus. Pulchriorem in vultu gestat purpuram erubescens honorarios fasces transfuga, quàm si dibaphum humeris portare muricem. Nulla impietas est, imò summa religio templum honoris nunquam ingredi, magna devotio nec limina illius tangere. Rarissima politics magnæ fortunæ terga vertere, quæ libenter frontem aspicit, ut in illa legere possit, quid animo volvamus. Fugax fera dignitas avidis venatoribus in casses rarò incidit; sui verò contemptoribus ultrò manus involat. Ideòq; magnum generositatis specimen dedisti **ILLUSTRISSE ANTIISTES**, quòd altiori titulo nuntium remiseris, nempe sigillatrici ceræ non inhærens tenaciori animo. Mille demùm encomijs digna Tua in splendido Purpuratorum Quiritum confessu effata verè Christianopolitica, Ecclesiastico referta spiritu, vox libera sine aculeo, & scommate, sacre pagine authoritati, testimonijs Sanctorum Patrum, optimisq; innixa exemplis, non Taciti, vel Lucani dictarijs, aut alicujus profani scriptoris opinioni infundata. Plerumq; metricis Pœtarum pedibus conculcatur innocentia, graviores sæpe cæsuram fama, quàm versus patitur; Rhetoricis fontibus omnis absorbetur justitia, cornutis Philosophorum argumentis expungitur veritas: at lingvæ sincerioris eloquio omne bonum augetur, præsertim verò publicum novis in dies assurgit incrementis. Sæpius facundiori lingua plu-

*In Senatu  
 gravia illius  
 oracula ab  
 omnibus esti-  
 mabantur.*



plumis leviora evolant oracula, quasi inter Deorum  
pulvinaria nascerentur: Tu dicendi modus magnam  
sapit gravitatem, quoties audientium iudicio pon-  
deratur: & quod majus est, nullum Senatûsconsultû  
vel Comitia, nec Sessiones omisisti, magno sanitatis  
& fortunarum dispendio; hæc omnia pro lege &  
Rege impendens, creditis sibi à Deo talentis ita usus,  
ut nunquam inertis desidiæ sarculo in terra defode-  
rentur. Tuum erga patriam amorem tacere non  
possumus, qui in obsequio Reipublicæ à primo sa-  
cri belli exordio equestrem militum cohortem su-  
stentat. Nunquam potest esse melius ditioris for-  
tunæ dispendium, quàm in boni publici defensionem:  
ex tali namque bonorum dilapidatione Caucaſo firmi-  
ora bellicoso stratiotæ formantur pectora. Hoc u-  
nicum patritiæ Tuæ Lunæ defuit, ut cum sua Sagitta  
in arcum abiret, nempe belli nervus, quem illi egre-  
giè illigasti. Non sterili damnatur arenæ aurea be-  
neficiorum sementis, ex qua pullulat clypeata viro-  
rum seges, chalybeque rigentes heroum manipuli co-  
surgunt. Citius Mars ab ejusmodi Aurelianis aureis  
capitur retibus, quàm ferratis Vulcani cassibus innoda-  
tur. Multi sanguinem Reipublicæ minuunt, (pe-  
cuniæ hæc nomenclatio) imprudentes omnino ar-  
chiatri, quia auream semper aperiunt venam turpi  
avaritiæ phlebotomo: Tu plus huiusce sanguinis  
patriæ affudisti, ut diutius vegetior, & incolumis  
vivat. Adeoque penes Te IOANNEM agnum cerni-  
mus, sed aureo micantem vellere, qui militantes  
Marti lupos procul fugare didicit. Reliquam vir-  
tutum seriem per omnes vitæ Tuæ annos dispersam  
subseciva calami tenuitas comprehendere nequit,  
fatis proinde erit aliquas illarum delibasse. Magna  
Tua supremorum capitum reverentia omnium sibi

*In obsequio  
Reipublicæ  
equestre mi-  
litum cohortem  
sustentat  
à primo sa-  
cri belli ex-  
ordio.*


*Magna e-  
iusdem reve-  
rentia super-  
riorum in  
Republ. ca-  
pitum.*



*Detractionum  
tolerantia.*

*Fuga adu-  
lationis, &  
cupiditatis.*

conciliavit animos, ut quò profundior ijs à Te da-  
retur veneratio, eò altior de Tua submissione cre-  
scret opinio. Unde acriorem sæpius stringebas  
pennam adversus Theoninos detractorum dentes,  
quos aureo regnantium pomo altius infigebant, pre-  
tiosis adeo non saturati bellarijs. Et ipse procaces  
Zoilorū linguas æquanimiter tulisti, non ignarus  
gētilitiæ Tuæ Lunæ illorū latratus minimè obfuisse.  
Volebant offundere caliginem claritati Tui generis  
invidiæ nubes, at Tu aureo gratiarū imbre easdem  
tumentes effecisti, in ultimo fortis iniquæ declivio  
positos cavillatores munificæ manus sublevans con-  
giarijs. Adulationis venenum Tuam non intoxi-  
cavit mentem, quia illibato candore omnium me-  
rebaris affectus. Querulantem Te de fortuna  
nemo audivit, nam plura assequendi studio non la-  
borasti, bene edoctus cupiditatē deviā peregrinari,  
& tantò longiūs à suo fine discedere, quantò proce-  
dit ulterius. Talib⁹ ac tantis virtutū gradib⁹ ad PO-  
SNANIENSē ivisti CATHEDRAM ANTISTES  
ILLUSTRISIME. Ergo bonis avib⁹ eandem con-  
scende, quia præduce Filio Columbæ, Petro, Ve-  
nerabili Capitulo Posnaniensi pro Stemmata mili-  
tante. Post coronatū Illustrissimi STEPHANI  
WIERZBOWSKI nomen gratiofus JOANNES in-  
gredere feliciter tertia jã vice Infulati honoris the-  
atrū. In gentilitijs Posnaniæ Turrib⁹ fama tubicinā  
agit, festivo Tibi applaudēs clangore. Præfens spe-  
ctatorum corona effunditur in plausus, quia undiq;  
grata pectora stimulos habēt ad lætitiā, scilicet à Lu-  
næ Tuæ cornib⁹, & acutiori Sagittæ cuspide, habent  
in gemina Stella flāmeum calcar ad tripudia. Nos  
verò absentes solēne illud Ecclesiæ votum Tibi  
apponimus. VIVE AD MULTOS ANNOS.





Biblioteka Jagiellońska



stdr0026548



